

# *KUSYANGA MUSAANSA AA*

## *BUSENA BWA KUUSYANGILA*

 Tu jisi zintu zinji loko, pele Uli zyi moyo wesu a kuziba zintuzyonse nzo tu bulide. Tuli kkomene kapati kuti inga twa cileta kuli Nduwe mu mupailo, mukuziba kuti Ula mvwisya alimwi uyo tupa buboto Bwako; kutali kuti tweelede kuli ncico, pele nkaambo Wa kacisyomezya kuli ndiswe. Ndili masimpe kuti kuli nkumbizyo zinji mu mbungano cifumo cino, zya malwazi a imwi ibulide. Elyo inga twa baleta cabubombe kuli Nduwe ndyoonya eno, kulomba luse Lwako lubotu a nguzu zyakuponya, nkambo ka umwi aumwi wabo.

<sup>2</sup> Akwalo tula kombela kulamwa a baabo bata konzya kusika ku cikombelo cifumo cino. Akwalo, kuli banji abo babungene awa lino. Banji bali cisidwe a babulide. Tula babona a zyeenzyo a mu zyuuno, a mawiluceya, alimwi bali—bali mukuyanda luse Lwako. Twa komba, Mwami, kuti Uyo cipa kuli mbabo, cakuvalisya. Akube kuti bazwe awa, kabatangala, kabaponesegwa akuba kabotu. Banji bata tondezyi kupenzegwa kwabo, pele, nekubabobo, ndiza penzi lya moyo litandila buyo kubatola, na kkulenge, na daimona limwi lya bukali. Twa komba, Mwami, kuti uyo tandwa cifumo cino. Bayo zwa awa, kabakkomene, kabotu.

<sup>3</sup> Inga twa yeeya mulombe oyo muniini oyo—oyo uli mukufwa. Ca kaambwa buyo kuli ndiswe, kwiinda kuli umwi uyandwa, oyo ujisi kkulenge a kufwa sunu, ikuti na luse Lwako talumwaiki ku mwana oyo. O Mwami Leza, koba siluse ku mulombe oyo muniini. Komupa kuvunwa, Mwami; ikuti na cili boobo mu luyando Lwako lwa Buleza. Tuli kkomene kapati ku bumboni bwakwe, kuti wa katambula Bulowa Bwako, kunji loko cakuti wa kalomba bawisi kumuzikka mu kusubila, aboobo bakali kunga bazi kuti waka vumbwa ku Bulowa. Twa Ku lumba, Mwami, ku lusyomo lwacamba boobo lwa basintaze baniini, kumacching'a kunembo kuyo swaanamanino aa buumi, kaba bukata ku myoyo yabo ciingano, alimwi awo kutondezya caando ca Bulowa. Ikuti na kulakonzeka koonse, Mwami, kovuna kalombe kaniini, ko mulekela kupona. Twa kalomba bamwi.

<sup>4</sup> Elyo mpawo, Mwami, twa kombela kuswaangana cifumo cino. Kuli bamwi awa, ndiza, abo bata Ku zyi mbuli Mufutuli wabo. Ikuti na kuli boobo, akube kuti obu bube buzuba mbo ba Ku jana buyandisi ku buumi bwabo, mbuli Mufutuli. Abo bayanda kuponesegwa, ba Ku jana mbuli Musilisi. Mwami, akube kuti Uboleku mulanda Wako, cifumo cino. Akube kuti

Ndi Ku jane mbuli Mukambausi. Nkambo, twa tuula koonse oku kuli Nduwe, kulomba kuti Uyo vviila mu Zina lya Mwami Jesu. Ameni.

<sup>5</sup> Tuli kkomene lyoonse kuboola mu ng'anda ya Mwami, a ku Assemblisi ya Mutaanzi kuzyalwa. Alimwi Nda, muka, mbuli kanji. Nseli kuyeeya kuti Ne sika okuno, citakuti Ne konzya kukombelela kukwela mootokala. Oku nkudana kubotu ku mukaintu. Uli kkede omuno, abusena bumwi. Waa zwa cifumo cino, nkabela Nda kali kunselelo mu kaanda kaansi nkebala. Elyo waa kati, "Ndi jisi zjaluzyo, Billy." Elyo kuboola kuziba kuti, waa kajisi zjaluzyo zyaku garaji, awalo. Nse kakonzya kunjila. Nda kajisi ciindi cibyaabi.

<sup>6</sup> Elyo nikwakainda kaindi, Billy waka ndiimpya, elyo wa kati, "Ndalibuzya kaambo nca tana boola." Elyo wa kandiita.

<sup>7</sup> Nda kati, "Ko boola cakufwambaana ncobeni." Nda kati, "Nkaambo Nse jisi nzila yaku selemukila ku mbungano." Aboobo tuli... Ndili kkomene kuba kokuno. Aboobo, Nda muka.

<sup>8</sup> Pele, nywebo mulizi, mbuli mbo tu njila mu cilao eco cimbi, oko ciindi nkoci taciko limbi, tu talika kuluba makani aa ciindi. Zyoonse zila sangana mu Butamani, nkabela taku cikwe ciindi. Taku cikwe magolelo a ciindi.

<sup>9</sup> Paulo kweelede kuti waka jisi cintucimwi mbuli ceeco mu mizeeo yakwe, busiku obo mbwa kakambauka busiku boonse. Ii mulombe wakawa kuzwa ku buyake a kumujaya. Elyo Paulo wakabikka mubili wakwe atala lya mulombe, nkabela buumi bwaka jokela ku musankwa.

<sup>10</sup> Amusyome kuti Nda kaambilwa, ku mweembeli, ndyoonya lino, kuti bajisi muvwanda muniini ngo bayanda kutuulwa cifumo cino. Aboobo ikuti na mutumbu uyo leta mulombwana muniini, ndyoonya lino, tuyu mutondezya ku Mwami, walo na nguwe, kufumbwa mbo cinga caba. Elyo Nda kabaanga ndabotelwa kuswaangana kwa kutuula. Sa inga waboola kunembo, Mukwesu Neville?

<sup>11</sup> Wabuka kabotu, mucizi. Ndi zina nzi lya mulombwana muniini? [I mucizi waamba, "Frank Wayne Dadney."—Mul.] Frank Wayne Dabney. Sa uli bbululu kuli Robert Dabney, uli obo na? Frank Wayne Dadney, ula myaka yongaye yakukomena? ["Mvwiki zili lusele."] Mvwiki zili lusele. Tii kwakali mu inyika eyi ya lunya kwa ciindi cilamfu. Ee, walo mucelo wa lukamantano lwako. Elyo lino uyanda ku mutuula kuli Leza, kutegwa abe mulanda Wakwe. Sa mbo mbubo, mucizi? Leza aku longezye.

<sup>12</sup> Ee, Ndi jisi lukono luniini okuno, umwi ukwelelezya loko. Amulange buyo kuli ceeco, Frank Daubney muniini.

Atu kombe.

<sup>13</sup> Oyandwa Taata Wakujulu, mu mazuba aa kweenda Kwako awa aa nyika, mu ciimo ca muntu, uutegwa Mwami Jesu, ba kaleta kuli Nduwe bana baniini. Elyo Wa kabikka maanza Ako ali mbabo a kubalongezya, a kuti, "Amu baleke bana baniini baboole kuli Ndime, nkabela muta bakasyi pe, nkambo bali booboo mba Bwami." Oyu mutumbu ulapa mu maboko angu, cifumo cino, musankwa oyu muniini, oyo Ngwe tuula kuli Nduwe. Komba, Mwami, kuti Uyo longezya mulombwana muniini. Longezya muunzi wakwe. Akube kuti akomezegwa mu ng'anda ya Bunakristo. Mu lulayo lwa Leza, akube kuti a busigwa. Elyo ikuti na kuli bwe juunza, akube kuti aka kambauke Makanimabotu ikuti na akaanzwa loko kuli Nduwe. Komupa buumi bulamfu, wanseba mbotu. Longezya bazyali bakwe. Akube kuti zintu zyoonse zibotu Nzo kasyomezya, uboole aa mulombe oyu muniini. I banyina baka mutondezya mu maanza esu, mbuli baalu ba mbungano. Elyo lino twa mutuula kuli Nduwe. Mu Zina lyu Jesu Kristo, akube kuti Yebo uleleke mwana oyu. Ameni.

Leza aku longezye, omuniini Frank. Ndi yeeya kuti mbabotu loko!

<sup>14</sup> Nda keelede ku bakombela cindi Nda ba aa bunanike...?... Tu jisi tutambala tumwi awa tweede ku kombelwa, pele inga Nda sala kucita ceeco twa talika kukombela balwazi, a bunanike bwa kuswaangana bulasika. Mpawo inga twaba kaboutu ikuti na twa bakombela ku ciindi eco.

<sup>15</sup> Botelwa kubona beenzuma bangu banji mukati. Nda syoma Nda bona Mukwesu Charlie Cox kusule kuya mu muswaangano. Elyo akwalo Nda bona Mukwesu John O'Bannon, uuzwa ku Louisville. Elyo beenzuma banji bambi, koonse, abo Mbe—Mbe ziba. Elyo aboobo tuli kkomene kuba andinywe mukati, kubungana andiswe cifumo cino, ku kubelekela Mwami.

<sup>16</sup> Lino tu langila, kwainda kaindi, katalika lubukulusyo okuno kwa mazuba masyoonto. Tu paila ku mamanino aya. Ndi limvwa kuti na Leza ta leti lubukulusyo, na ku lubikka aa moyo wesu, mpawo lubukulusyo nkubeleka kwesu kwini. Elyo mpawo ikuti na twa lindila, alimwi Uli mvwa kuti nciindi ca lubukulusyo, mpawo Ula botezya eco ku moyo wesu, mpawo tu limvwa kuba a lubukulusyo.

<sup>17</sup> Mweenzuma umbi ukkede awa, bawisi a banyina ba Mukwesu Wood, alimwi umwi wa basyomesi besu okuno ku mbungano. Tuli kkomene kuba ambabo cifumo cino.

<sup>18</sup> Elyo kuselemuka kagwagwa, jilo, mulombwana wakali kukkanala omuno mu dolopo, oyo wakali mulombwana muniini ugalankene. Elyo lyoonse wakali kumuyanda, a mulombe mubotu. Elyo mukaintu wangu wakali kukkanala munsi lyabo. Elyo wa kali musyobo wa mwiimbi, a mwiimbi. Alimwi wa kali kukkanala alya kanji akuumamauma cituta cakwe, kasamide

ngowani mpati ya mweembezi ubelesya mbizi, vaolini ya saha. Pele wakalikubeleka ku WPA. Elyo buzuba bumwi cintucimwi cakacitika, eco lyoonse caka ndiyeeyza, na kubambwa mu mizeeo yangu, mubwini, kwa ciindi cilamfu. Tii cakazwa. Wa kajisi bana basyoonto; mukaintu mubotu. Ba kali bacete mbuli bacete mbo tukonzya kuba, mbuli toonse mbo tubede.

<sup>19</sup> Nda kabona, kaimvvi aa matantilo, kandandeme, kalindila kulingula oko kwa WPA kusika. I simalele wakasika mu kagwagwa. Ba kali kkomene kapati. I buzuba bwakatobela bwakali Pasika. Ba kali kuyo bweza maswiiti aku Pasika na cintucimwi, kuti cindi cceki lya taata nilya kanjila. Elyo cindi simaato nakasika, ta kajisi cceki lya taata. Nywebo mwabona oko kutyompwa kulanga ku masyu ayo maniini, alimwi lyoonse caka jatilila kuli ndime, kutyompwa kuli booboo.

<sup>20</sup> Nda kaimpya kubona muntu, kwa myaka. Elyo jilo, kaselemuka kagwagwa, cindi Nda... Mukaintu a Ndime katuzwa mu spamaaketi, na ku musika wa Quaker Maid, ogo Ngwe kaswaana, busyu ku busyu, walo alikke na? Elyo cimwi ca zintu zitaanzi nzo bakali kuyanda kundaambil, wa kaba Munakristo. Ta kanywa kwa myaka. Elyo Ndili kkomene kuba a ndinywe, Ba. Longston, bakkede ku cuuno ca kumbele, kuno mu mbungano, cifumo cino. Ngu cizo ca mbungano ya Mukwesu Junior Cash ku Charlestown, Indiana, mukwesu mubotu loko. Ncibotu loko kuba Munakristo kwiinda mbo cibede mu inyika. Embo na? Lino, Ndi yeeya kuti ulaimba aa mabambe, a kulizya ciimbo cakwe, ku bulemu bwa Mwami. Cilumbo cimbi buyo ca luzyalo lwa Leza lugambya.

<sup>21</sup> Sa inga mwayanda kwiima, Ba. Logston? Ta ndi... Oyu muntu wakali mukolwi ciindi cimwi. Umwi wa baaba basikusobana okuno iba zizyano zicitwa bulanga, nywebo mulizi, mavaolini a zintu. Lino koonse kwa kasandulwa ku Bwami bwa Leza, alimwi uli abusena awa, kaamba, "Ndaku Lumba, nkambo ka ncico, Mwami." Oh, cindi...

<sup>22</sup> Nda kali kwaambila Ba. Wood, jilo. Nda kati, "Cindi yebo a baama, basika ku lubazu lumbi a kubweza ganda yako, a cifumo cimwi cindi wano kkomene kapati, elyo kulaale kunselelo lya zilundu, a mu mpako, kubusena bumwi, oko kuli kaanda kaniini kayakidwe okuya. Cindi Ne keenda mu lukocce, nkabela Nda kasika awo akwiimikila mu lukocce, Ndiya koongolola mu magolonkolo onse kuteeti:

Luzyalo lugambya! obo mbo lumvwika kabotu,  
Waka futula mupenzi mbuli ndime!  
Nda kali sweekede ciindi cimwi, elyo lino Nda  
kajanwa,  
Kali moofu, pele lino Nda bona.

<sup>23</sup> Nda kaambila Ba. Wood, Nda kati, "Ee, pat bamaama aa kkuko, kwaamba, 'Alumbwe Leza! Mukwesu Branham mudaala

waka cibamba. Ngooyo mbwa bede, kunselelo okuya mu kaanda kakwe kaniini.” Ikuti na Nda sola kusika Okuya, kuyooba ku luzyalo lugambya ilwa Mwami Jesu.

<sup>24</sup> Lino inga twa kotamika mitwe yesu asyoonto buyo kakutanaba kujula Ijwi.

<sup>25</sup> Mwami tuli cintucimwi mbuli nkamu ya bana. Tu jisi mizeeo yesu ya buntunsi, alimwi, swebo, magano esu aa kuseka, luswaanano lwesu antoomwe. Lino twa boola ku cibeela eco cisetekene loko ca kuswaangana kuli koonse, kubala Ijwi ly a Leza litakakilwi. Inga ndalomba, Mwami, kuti Uyo kanana a Ijwi lyoonse. Akube kuti Li inke akubbila mu myoyo ya bantu, nkabela liyo tebula butebuzi bwa ceeco nco lyaka kanzilwa. Akube kuti Muuya Uusalala mulemu uboole akati kesu lino, a kubweza Majwi aya ayo ayo balwa, a ku Lyabaula kuli ndiswe, cabuyumu, mbuli mbo tubulide. Nkambo twa cilomba mu Zina ly a Jesu a ku kaambo Kakwe. Ameni.

<sup>26</sup> Mu Ntembauzyo ya 80, Ndi yanda kubala cibeela.

*Kopa kutwi, O Mweembezi wa Israyeli, yebo oyo usololela Josefa mbuli butanga; yebo... okkala akati kaba kerabimu, akumweka koonse.*

*Kumbele ly a Efraimu... Benjamani a Manase busya nguzu zyako, a kuboola kuzo tufutula.*

*Kotu nyona alubo, O Leza,... kocitya busyu bwako kuti bumweke; nkabela tuyu futuka.*

*O MWAMI Leza wa makamu, nciindi cilamfu buti ncoya kunyemena mipailo ya bantu bako?*

*Uba saniza cinkwa ca misozi; a kubapa misozi ya kunywa mu kweeleka kupati.*

*Utu bamba kuzwangana kuli simukoboma: nkabela basinkondo besu balaseka akati kabo.*

*Kotu nyona alubo, O Leza wa makamu,... kocitya busyu bwako kuti bumweke; nkabela tuyu futuka.*

*Wa kagusya musaansa kuzwa mu Egepita: wa katanda muhedeni, nkabela waka usyanga.*

<sup>27</sup> Ciiyo cangu cifumo cino, ikuti na Mwami acizumizye, kwa ciindi buyo cisyoonto, ciyo citika: *Kusyanga Musaansa Aa Busena Bwa Kuusyangila.*

<sup>28</sup> Nceenzu obo Leza, mu masena manji, wiiminina bantu Bakwe mu nzila zyandeene. Kutali ciindi cilamfu cakainda twa kali kukanana awo Mpa ka twiiminina mbuli sikwaze, alimwi Walo mukuba Sikwaze Mwini, alimwi swebo to sikwaze Wakwe muniini. Elyo Ndi syoma kuti zintuzyonse ziyo enda kabotu. I ciindi camamanino Ne kakanana ali ceeco, Ndi jisi lugwalo awo... Oyo munzi mupati, bunji bwanu mulizi awo mpo wakabede, mu Ohio, kuti nkamu ya bakutausi yakabungana

antoomwe a kupa mulandu miswaangano yangu nkaambo kakuti Ndi syoma kuti Leza wakaita muntu ku Buumi Butamani kuzwa ku malengelo aa inyika. Elyo ku buzumini bwangu, ikuti na Leza ngu Leza, lyonse wakali Leza, Walo ucili Leza, alimwi lyoonse wakali Leza. Ikuti na Ta kandizi inyika kiitana kuba, nkokuti Tali Leza.

<sup>29</sup> Bunji bwanu mwakali kubala okuno ku masena amebeebe, amwi ambi, kujatikizya oku kutweluka kutali kwa magano. Elyo bamwi abo bajisi, mubwini, bakajokela ku mulimo wangu. Pele, ikuti na wakasola kwiiya na kuba anzila imwi ya kwiiya zya kuyeyela buyo, twaabmo twabuyo: “cintucimwi cilibonya kuti nkocili, pele taciko.”

<sup>30</sup> Elyo mu Magwalo, tu jana kuti Jambre a Janesi bakakazya Musa ku kicita cini cintu nciconya ncoba kacita, ku kusowela ansi musako akusanduka kuba nzoka. Musa wakatumina zipenzyo. Elyo bakali kukonzya kwiita mpenzyo, abalo, pele tiiba kakonzya kuulusya zipenzyo. Tiiba kakonzya kuponya, nkaambo Leza ngo musilisi alikke. Pele bakali kukonzya kucitya zipenzyo kuboola, mpawo Musa waka zigusya. Mpawo kazekelo ka mamanino kakasiķa, awo Musa mpa kacita mbubonya mbuli Leza mbwa kamwaambila kucita.

<sup>31</sup> Elyo Ndi lizi, zyoonse ezi zjatikizya, mu inyika sunu, kumalekelo ziyo boola ku kazekelo komwe kapati buzuba bumwi. Nkaambo, Bbaibbele lya kati, “Mbuli Janesi a Jambre mboba kakazya Musa, mbubonya mbobaya kucita bantu mizeeo ya buzangi, kujatikizya Lusyomo, kukazya ku mazuba aku amanino, pele bufuba bwabo buya kuyublulwa.” Calo ncisinsime ceelede kuzulila, alimwi mula konzya kubona mabazu obilo kabuka lino.

<sup>32</sup> Pele Musa wakacita nciconya eco Leza nca kamwaambila kucita. Wa kawaalila ansi musako nkabela wakasanduka kuba nzoka. Elyo aba basondi bakazwa a kuwaalila ansi mabombo abo nkabela akasanduka kuba nzoka. Musa wakali ku mamanino a bupampu bwakwe, alimwi ku mamanino a nguzu zyakwe.

<sup>33</sup> Pele mpe mpawo Leza mpa yanda kutuleta, kumamanino buyo aa lweendo lwesu, mpawo Wa njila. Cili buyo mbuli Nguwe. Ndiza uli cisidwe loko, cifumo cino, kusikila dokotela waamba kuti to konzyi kupona. Kunyikizya muntu uya kutambikizya ku citanda. Eyo nje nzila mboibede cindi twa sola kujana . . . Koonse nko tukonzya kubeleka, lwesu, obo mbuntunsi, kuti tuyu cicita. Pele cindi caboola ku busena oko kutakwe bulangizi bumbi, balo bata syomi mu kuponesegwa kwa Buleza bayo syoma mpoonya awo. Bwalo mbulangizi bwabo bulikke.

<sup>34</sup> Elyo Musa wakali ku mamanino a kusikwa kwakwe, mpawo Leza waka njila a kucitya nzoka yakwe kulya nzoka ya mwaalumi umbi. Mpawo nzoka yakwe tii yakacilik.

<sup>35</sup> Lino, ku kutweluka kutilikwa magano, a mu lwiiyo lwa kuyeyela buyo, a basibusangu boonse. Andi, Nke tana buyo kutilika aa cibalo cangu, ku mululamika a ceeci, kwiinda ku lugwasyo lwa Leza, ikuti na Nda konzya. I dyabulosi ulakonzya kupanga zintu ziboneka kululama, pele lyoonse bala tondezya kuti tazili kabotu. Lino, tabana konzya kujana cifoto ca umwi wa myuuya eyi awa njo balibonya, nkaambo tako ncobeni.

<sup>36</sup> Pele cindi nicakasika ca Leza kutondezya ku sayaansi, Wa kali Leza, Wa kazumizya cifoto ku kkopwa. Nku tola kwalyonse. Sikulingula wakati, "I Mumuni wakauma maleensi. I Mumuni mubwini wakaliko. Tii wakali lwiiyo lwa kulilemeka kwamizeezo." Aboobo, nywebo mwabona, eco Leza nca cita nkugola.

<sup>37</sup> Nzoka ya Musa yakamena nzoka ya bamwi. Elyo wa kali kukonzya kwiibweza mu janza lyakwe, nkabela nzoka yabo yakati mukati ka kasamu ako. Eco dyabulosi nca cita nkuyeyela buyo. Eco Leza nca cita neakasimpe. Aboobo, Nda botelwa eci kusakana kunsi lya myoyo. Cindi Leza a futula muntu, wa kafutulwa. Muta pengi a kusola kujokela; tamu konzyi. Eco Leza nca cita Mbutamani. I dyabulosi inga waku nyanyamusya a kukubamba kusyoma kuti waka futulwa. Pele cindi Leza mubwini aku futula, uli cijisi kufumbwa kuti kali boobo lyonse, nkaambo uli jisi Buumi Butamani. Jesu wakaamba booboo.

<sup>38</sup> "Oyo uumvwa Majwi Angu, a kusyoma Oyo waka Ndi tuma ujisi Buumi Butamani, nkabela taka booli ku lubeta, pele wakazwa ku lulu kuya ku Buumi." Obo Mbutamani mbuli Leza Mwini, nkaambo ndi Ijwi Lyakwe.

<sup>39</sup> Leza ngu Leza omwe. Ta konzyi kulisanganya Mwini a zintu zimbi, Ta abawidwe. Leza ngu Leza. I mulazyo mutaanzi, ngu, "Muta kabi a tuleza tumbi pe kumbele Lyangu."

<sup>40</sup> Aboobo to konzyi kusanganya mafuta a maanzi a kwaabamba kubeleka kabotu. Aeledge naa kuba maanzi na mafuta. Elyo Leza ucili Leza nguwenya. Tu jisi bukombi busanganya akwaamba kuti, "Leza wakaliko, ciindicimwi wakacita ceeci, nkabela taciciti sunu," mpawo tu soleka kubikka mafuta a maanzi antoomwe. Nkaambo, Wa . . .

<sup>41</sup> I Lugwalo lwakati, "Ngu mbobuca nguwenya, sunu, amuya myaaka." Ta luka sangani buyo a kutasyoma; lusyomo talu kaciti.

<sup>42</sup> Tu jisi lusyomo muli Leza. Bwalo Mbutamani. Kutasyoma kwakali obo lyoonse, kuzwa mu muunda wa Edeni. Leza lyoonse wakali kuyanda bantu Bakwe kusyoma ceeci. Wa kali kuyanda kuti babe a kaanzambwene, a ku—ku kulitondezya Mwini akati ka bantu Bakwe. Leza walo Muuya.

<sup>43</sup> Mu Musalali Johane cipati 15, kampango 1, Jesu wakati, "Ndili Musaansa; nywebo muli mitabi." Lino, mutabi a Musaansa bali swaangene antoomwe. Elyo Leza lyoonse

wakasola kujana bantu abo Mba kali kukonzya kukkalamo, cakuti Wa kali kukonzya kutondezya bulemu Bwakwe akati ka bantu Bakwe.

<sup>44</sup> Aboobo twa kabala awa kuti Davida wakoompolola, a kuti, “O Mwami Leza, kojokela kuli ndiswe alubo. Twa kabisya aku Mu futatila. Nywebo nomu kkala akati ka cipaililo a kerabimu, amumweke alubo.” Nkambo wa kalizi kuti ciindi cimwi Wa kali Leza akati kaboo, alimwi Davida wakalizi kuti Wa kacili Leza. I bantu bakali pambula beni kuzwa kuli Nguwe. Leza takamweka limbi. Tii kakali kaambo kakuti Ta kakonzya kumweka. Nkaambo bantu bakajala luse Lwakwe kuli mbabo, kwiinda ku zibi zyabo. Mpawo Davida wainka ku cibalo cesu. Ntembauzyo 80:7.

<sup>45</sup> Wa kati, “Wa kasomona musaansa, kuzwa mu Egepita, nkabela wa kaugusya a kuusyanga mu busena bubotu.” Abo bakali ba Israyeli, bantu ba Leza bakali mu Egepita. Ba kali musaansa mubotu. Ba kali basale ba Leza. Pele ikuti na musaansa mubotu tau bambidwe mu bulongo bubotu, tau kazyali micelo mibotu. Ciya buyo awo musaansa mpoubyalwa, uyo zibya micelo ya zisyango. Aboobo, Leza wakabweza Israyeli, kuzwa ku bulongo busundi.

<sup>46</sup> Calo ncintucimwi mbuli sunu. Tuli jisi, mu cisi, basyomi banji batapi a babotu, nkabela bali sangene mu mambungano oonse aatubungwe. Ba kazwa ku tubungwe twandeene a bweende bwandeene bwa buumi. Nke kaambo, mu mulimo wangu, Nseno sola, kufumbwa ciindi, ku selemuka kufumbwa muntu umwi na kabungwe kamwi, nkaambo, muli mbabo boonse, mbantu babotu. Balo mba ba Leza bakaitwa akusalwa.

<sup>47</sup> Sa nokapa mulandu kuli Israyeli kuciindi niyakali mu Egepita? Ba kazwa buyo mu tende lilubide. Elyo zibi zyabo zyaka baandaanya kuzwa—kuzwa kuli Leza, nkabela baka syangwa mu Egepita.

<sup>48</sup> Eyo nje nzila bantu banji mboba bede, mu mambungano sunu, bantu babotu baka syangwa buyo mu busena bulubide. Lino ikuti na musyomi wini waletwa kuli Kristo, alimwi uli syangidwe mu kabungwe kamwi kapati ako kata syomi mu maleele a zitondezyo a zigambyo zya Mwami, kuti muntu abe Munakristo wini, a Katolika, Baptisti, Presbyteria, Bakamboni ba Jehova, cintucimwi cimbi. Mu mbungano eyo, Musaansa wini wa Leza, pele kansiyansiya kakabungwe kagonka Buumi bwa Musaansa oyo. Tau konzyi kuzyala micelo Yawo.

<sup>49</sup> Elyo, kanji, eyo micelo njo mwazwa ku musaansa oyo utangidwe na pe mu bulongo bubotu micelo mibi. Iya kuyutuka mbuli maapele, akuba zilonda zya kuligwa ku mvunyu. Ya keendelezegwa ku tuuka toonse.

<sup>50</sup> Ii musaansa mubotu wanseba mbotu tau yeelede kusansailwa. Ngwanseba mbotu kweelede kusowa basinkondo bayo bonse.

<sup>51</sup> Mbubonya mbocibede a Munakristo wakazyalululwa. To elede kuba fwafwaza ciindi coonse, aku baumaumauma kusule. Ba jisi nseba mbotu ini ya kusowa cisap conse ica inyika. Ba ponena kuu bulilu bwa kasimpe.

<sup>52</sup> Ii musamu ziindizimwi, oyo...na kasyango ako kakali mu masena aa lukula, alimwi taka jisi mudumo munji, uyo zyala micelo miniini, alimwi tau boneki mbuli mucelo oyo weeledge kuzwa ku musaansa wawo.

<sup>53</sup> Mukwesu wangu, mucizi, obo mbo cibede ku mambungano sunu. I sizibi waboola mukati, kutobela, ndiza, ku muunzi kuboola kunsi lya kulamwa, kuunka a kubala Bbaibbele lyakwe, a kuunka ku mbungano. Mubusena bwa kujana maapele mapati aayoosya na magirepu, Buumi bwa Mwami Jesu kabuzyalulula mu Mbungano, ila jana tulonda, tuniini, twa kuligwa ku miyeeyo miniini, ya mvunyu, zyatubungwe. “Swebo toba Baptisti, tuli cijisi. *Taba* jisi cintu cakucita ancico. Swebo toba Methodisti, tuli cijisi.” I maboko aa Leza akasika kuzwa ku lwizi kuyaku lwizi, a kuzwa ku nkowwe kusikaku nkowwe, konzya kuvuna bali kulaale. Pele nce ncico neco tu jana mu masena oko nkotuya.

<sup>54</sup> Cili mbuli Davida awalo mbwa kaamba, alubo, mu Ntembauzyo 1. Wa kati, “Ulacoolwe muntu oyo uta kasangani a baaba basikusabula a bantu babi, kutali kuswaangana ambabo, kutali kukkanla mu cuuno ambabo. Nywebo mulizi, basikusabula abo baamba kuti, ‘I mazuba aa maleele akamana. Elyo lubbizyo lwa Muuya Uusalala nku licenseezya buyo.’ Ulacoolwe muntu uta kaciti ceeeo. Ulacoolwe muntu uyo ima kuzwa ku cintu cili boobo. Taba yandi kusanganya ezyo antoomwe. Elyo tamu konzyi kusanganya zintu ezyo antoomwe. Ulacoolwe muntu oyo uta libuzi mwini alimwi ali cimwi ca zintu ezyo zikaka Nguzu zya Mwami.”

<sup>55</sup> I Bbaibbele lyakati, “Amuzwe akati ka cili booboo, nkambo buzuba buyo boola cindi noba yooba basikainya, basikulisumpula, basikuyanda misaalo kwiinda basikuyanya Leza; kaba jisi ciwa ca bukombi, pele kaba kaka Nguzu zya mbubo: koba futatila bali booboo.”

<sup>56</sup> “Ulacoolwe muntu oyo uta libungani a basikusabula aba, fubaazya, kwiita Mbungano ya kasimpe, ‘nkamu ya basikwiindilizya.’ Uyo oba mbuli musamu oyo wakasyangwa kwiinda ku milonga ya maanzi.” Leza waka mubikka mu kasena kakusala. “Micelo yakwe tai wiini pe. Uyo zyala matu a micelo mu ciindi ceelede.” Amulangilile obo Davida mbwa kaamba ijwi eelyo. “Oyu muntu uli lelekedwe. Uyo syangwa,” kutali buyo kuyabaala. Nywebo mulizi, Nda botelwa kubona cintu cili coonse cisyangidwe.

<sup>57</sup> Lino, Israyeli, mu Egepita, tii yaka syangwa. Ba kazwa buyo. Tii bwakali busena bwabo butaanzi bwa muunzi. Elyo muntu uli Munakristo, oyo uupumuzya magolelo akwe Aatamani aa kansiyansiya kamwi kakabungwe, tali mu busena bwakwe bweelede. Wa kazyalwa kaangulukide, a mwana wa Leza, ku kukomba Leza. Pele uli kunsi lya kansiyansiya, ta konzyi kuzyala micelo yakwe, nekubaboobo cintucimwi muli nguwe cilasukamina kucicita.

<sup>58</sup> “Uyo ba mbuli musamu oyo wakasyangwa kwiinda ku milonga ya maanzi.” Milonga, bunji; maanzi, omwe. Milonga minji kaiboola mu nzila yomwe. Mu majwi amwi, uyooba mbuli muntu mu Lugwalo, oyo usyoma Ijwi lya Leza lyoonse, oko Nguzu a zipego zya kumuuya zili fuka nko zikonzya kukunka, kwiinda muli Leza omwe, mu buntu bwakwe bwamukati.

<sup>59</sup> Bantu taba syomi mu koongolola. I cintu ca ncico ngu, taba jisi lutangalo lwa kumuuya. Elyo lutangalo lwa meenda aa Buumi lukonzya kukunka kwiindamo. Eelyo nde penzi lyoonse ku Cikombelo ca Branham, nkaambo kakuti kutasyoma, mapakasyo aa inyika akaanga bantu kusikila itakonzyi kuleta cicoto ca kumuuya.

<sup>60</sup> Eelyo nde penzi ku cisi cesu. Eelyo ndepenzi a mambungano esu. Taba jisi lutangalo. Elyo lutangalo lwa Mwami lwazwa. Mbuli mbo kwa kalembedwe ciindi cimwi mu Lugwalo, bbala lyaci Hebrayo lya Ikabodi, eco caamba cuti, “I Busyu bwa Mwami bwazwa.” Ayo mambungano esu, nkaambo twa kasiya kuzwa ku ntalisyo ntaanzi, a kulibikka lwesu mu tuyanza twabuzumini a kabungwe, a kuzumizya zintu zya inyika ku kuyumya luzibo lwesu kuli Leza.

<sup>61</sup> Oh, koya andime ku Arizona. Andi bweze ku lukula, olo Ndwe kasila myaka minji loko. Zintuzyonse mu lukula zili jisi nsoke ali njiyo. Kufumbwa cisyangi ciniini nko boola, uta siki kuli ncico, ciyo kunamatila. Lyoonse cilaba a zimanatila kazi joncomene, kulibambilka kunamatila cili conse ciboola kunsilyaco. Ino ndipenzi nzi? Ncinzi caka cibamba nsoke? Nkaambo tii yaka jisi maanzi. Eco nce caka yumika. Oyo nsoke ndi tuvu, kapilauka. Nkambo kakubula maanzi, iba nsoke.

<sup>62</sup> Obu mbocibede a Mbungano, sunu, cuti cindi mbungano yazwa ku Kasensa ka Buumi. Cindi yazwa ku lutangalo lwa lufutuko, cindi yazwa ku Mwami Leza, mpawo oyo muntu waba nsoke, lyoonse kujana butongo, kujata. Peepe wasika buyo atala, “Ndili muna Presbyteria. Ndili muna Methodisti. Ndili *boobu-a-boobu*. Uta ambauli kuli ndime kujatikizya zintu ezyo.” Ii nsoke! Tai jisi micelo.

<sup>63</sup> Wa bweza kasyango ako nkakonya, kkitasi, a kukabikka mu nyika kwa mazyalani masyoonto, oko kuli maanzi manji, alimwi eco cinamatila ciya kuvunguluka akuba tuvu litete, kalizyala micelo.

<sup>64</sup> Ino ndi penzi nzi ku mbungano sunu? Wa kabikka mu kabungwe, ako kakabikka tuyaza twabuzumini twakabungwe aku cizambaila, taakwe lutangalo, kusansaila buyo lino elyo mpawo, kwa lubukulusyo luniini ku kulujata. Mbo ciyandikana kuba, nkuzwa akati ka basikusabula a batasyomi, a kusyangwa kwiinda ku milonga ya maanzi.

Nkambo kuli kasensa kazwide Bulowa,  
 Kazwa ku nsinga zya Imanueli,  
 Oko basizibi, (batasyomi) nko bakadumpukila  
 kunsi lya zambangulwe,  
 Kusweekelwa twiimba toonse twa milandu  
 yabo.

<sup>65</sup> “Ii samu,” Davida wakati, “eelyo lisyangidwe ku milonga ya maanzi.” Oh! Leza takonzyi kuli kunka Mwini kwiinda mu ziyyasabamwimi.

<sup>66</sup> Lino, maanzi aiminina buumi. Tu lizi kuti Musa, mu nkanda, wa kauma Mwaala, nkabela wa kapa meenda a buumi ku bantu bakali kunyonyooka. Elyo Jesu wakati, “Mboli Musa mbwa kauma mwaala mu nkanda, mbubonya Mwana wa muntu mbwaelede kusumpulwa,” nkabela Wa kaumwa.

<sup>67</sup> Buumi buli mu seelo lya bulowa. Elyo obo Buumi tabu konzyi kuyutuka kusikila seelo lya Bulowa lya nyonganisiga a kukomonwa.

<sup>68</sup> Cindi Leza naka gusya Israyeli, Wa kabapa kusola, mbuli cisi. Wa kaba gusya mu Egepita, akati ka batasyomi. Elyo wakabaleta mu kubambwa Kwakwe kwaansi, aatala amabababa aa sikwaze, oyo sikwaze mupati, Musa, waka basololela kuzwa ku busena kuyaku busena, kusola kuba njizya mu ciimo, kuti azabuka. Kwa myaka ili makumi one Wa kaba sololela akuba sanizya mu nkanda. Elyo Wa katontozya bulongo, bulongo bubotu, busena bwa kusala. Elyo Wa katondezya maleele Akwe, zitondezyo a zigambyo, kwa myaka ili makumi one mu nkanda. Wa kazyala maleele a zitondezyo, kwiinda ku musinsimi oyu, kutondezya kuti Wa kali Leza. Nguni wakali kukonzya kuyuminina Iwizi pele Walo? Nguni wakali kukonzya kuuma Egepita cita Nguwe? Nguni waka acamba caku tambika janza cita Nguwe? Pele, akati ka koonse kwa ncico, Wa kali Leza, alimwi Wa kalitondezya Leza Mwini. Wa kali kuyanda ncobeni bantu Bakwe kucita boobo.

<sup>69</sup> Mpawo Wa kalumba bulongo bwa Palestine, a bulowa bwa mpongo a impwizi, basune, mbelele. Pele bantu tiiba kaima. Tii caka kkwanisywa, nkaambo buumi bwa musune... I seelo lya bulowa lyakakwamuka, nkabela buumi bwa munyama bwaka jokela, tabu kazungani a buumi bwa muntunsi.

<sup>70</sup> Buzuba bumwi, Leza wakali kanzide kuti Uyo futula bantu Bakwe, Mbungano Yakwe yakanzwa. Wa keeledge kucicita, Mwini, nkaambo Wa kacikanza kuzwa ku malengelo aa inyika.

<sup>71</sup> Muntu ngu sikukakilwa, alimwi lyoonse uyooba. Ngu sikukakilwa, kuzwa kukatalika, nkabela lyoonse uyooba sikukakilwa.

<sup>72</sup> Leza, mu kukanza Kwakwe, mu mizeezo Yakwe Mwini mipati itagoli, wakakanza bubambe kubikka Musaansa wini. Elyo Wa kasyanga aa nyika eyi, Musaansa, Musaansa uululeme; kutali kabungwe, kutali mbungano, kutali kansiyansiya, pele Muntu, Mwini, wakaba mu mibili wabantu. Elyo Wa kayubulula luumuno Lwakwe, Nguzu Zyakwe, Angelo mupati wa Leza. I Jehova mupati wakali a Nguwe. Elyo muli Nguwe mwakakkede buzule bwa Buleza camubili. Elyo bantu teeba ka Mu syoma; aku Mu syoma nkaambo Na taka beleka antoomwe a kansiyansiya kabo.

<sup>73</sup> Kumalekelo, baka Mu solelola kuya ku Kalivari. Awo seelo lya Bulowa lyakakwamuka, lya Mwana wa Leza muyandisi, Mubili omo Jehova mwakali kupona. Mpaawo kwa kayutuka Musaansa, a miyanda Yawo mu Bulemu, a mitabi Yawo aa nyika, kuleta Mbungano ya Leza muumi, eyo iyo tondezya bubuke Bwakwe a Nguzu Zyakwe. Nguni baalumi a banakazi aba banga bakaka Mbungano eyo, Musaansa wa Leza muumi? I kukakilwa kwa lyoonse... Busyu bwa Mwami Jesu a Mbungano Yakwe, ku kupona, a kutondezya mitabi Yakwe yakakanzwa, kuti Wa kajata kuzwa ku malengelo aa nyika. Elyo wakakonkezya, kwiinda kuli baabo, kuti Uyo babusya. Elyo Mbungano Yakwe, sunu, a bulemu bwa bubuke Bwakwe kabupona muli Nguwe! “Ndili Musaansa; nywebo muli mitabi.” Ciindi coonse moyo waduntaana, bulowa buladuntaana ku zizo zyoonse zya mibili. Ciindi coonse moyo wini wa Leza uladuntaana, uladuntaana kwiinda mu Zina lya Jesu Kristo, ku Mbungano, “Kufumbwa nco lomba mu Zina Lyangu, eco Nceyo cita. Ndili a ndinywe lyoonse, akwalo ku mamanino aa inyika.”

<sup>74</sup> Ta cigambyi Petro wakati, aa Buzuba bwa Pentekoste, “Amusanduke, umwi aumwi wanu, a bapatizigwe mu Zina lya Jesu Kristo kuti mujatilwe zibi zyanu, nkabela moyo zuzigwa a Buumi kuzwa ku Musaansa.” I Muuya Uusalala kaupa Zina Lyakwe, kuti, ikuti na tuli swaangene a Nguwe. Uli swaangene a Leza, nkaambo Wa kali Muyanda a Cisyuukila ca Leza.

<sup>75</sup> Wa kaboola ku nyika. “I nyika yakalengwa aa Nguwe. Wa kaboola ku nyika; nkabela nyika tii yaka Mu ziba.”

<sup>76</sup> Elyo lino, sunu, Walo, nakamana kufwa Kwakwe, ku kuzyala seelo lya Bulowa, ku kupasuka, kuti kwiinda mu Bulowa bwa Jesu Kristo Mbungano inga yasalazigwa a kubikkwa mu ncililano. Kuti, Muuya Uusalala mulemu, uuli Mbuumi bwa Musaansa, Buumi Butamani bwa Musaansa, kuti Muuya Uusalala inga waduntaana mu cizo coonse ca Mbungano ya Leza muumi.

<sup>77</sup> Ta cigambyi kuti mbantu bagambya a bagambya. Ta cigambyi bala lilemeka bweenzu. Taba cijisi makani ambi aa inyika eyi, nkambo bali fwide a kuzikkwa muli Kristo, alimwi wakabuka ku buumi bupya, kuba micelo ntaanzi ya baabo babotelwa bubuke bwa kumuuya, kuti Muuya Uusalala uyo inda muli cizo acimwi, a kutondezya bulemu bwa Leza, mbuli Leza mbwa katondezya Egepita cindi Na kaleta Musaansa.

<sup>78</sup> Lino, kuli musaansa wa musokwe. I Bbaibbele lila cikanana mu Bami Bibili. Elyo sena mwakabona, cindi oyu mukambausi nakaunka kuyo bunganya bunyangu, wa kazwa ku musaansa wa musokwe. Eyo misaansa ya musokwe yeelede kukomena munsi ku seminari kubusena bumwi, nkaambo cakali ku cikolo ca basinsimi. Elyo waka leta isaansa ya musokwe yakazula mu nkomo yakwe. Wa ka ziwaalila mu nketulo, akusola kucisanganya antomwe a musinza, wini wakasimpe. Elyo ba koompolola, "Kuli lufu mu mupika."

<sup>79</sup> Mukwesu, kuli musaansa wa musokwe wakakomena, nkabela ula komena kuba kansiyansiya, kabungwe. Elyo cindi yazwa awo, ila jalila lutangalo loonse lwa kumuuya. Elyo cintu citaanzi mulizi, oyo musaansa uli fwide.

<sup>80</sup> Pele Leza uli kanzide kuti musaansa Wakwe tau kafwi. Aboobo Wa ka Ci gwisy, kuzwa ku tunsiyansiya oto, a ku Ci zuzya a Muuya Uusalala, a ku Ci bikka ansi, mu Zina lyu Jesu Kristo. Awo Mbungano eyo inga yaduntaana a kupona, a kubotelwa, kumvwa Busyu bwa Leza muumi, ku Mu langilila keenda a kucita zintu ezyo Nzya kacita cindi Na kali waano aa nyika.

<sup>81</sup> Nkaambonzi? Mitabi yakwe, luswaanano Lwakwe, muyanda Wakwe, matalikilo Akwe, wakali Leza. Wa kali Kabelele kakajaigwa kuzwa ku malengelo aa inyika. Kakutanaba inyika, Wa kali a Leza. Wa kali Muyanda a Cisyukila ca Davida, Nyenyeze ya Bucedo, Mpana yaku Kkuti. Obo Mbwa kabede.

<sup>82</sup> Miyanda yakwe ili vungaidwe kuli Leza, kuzunguluka Cuuno cabwami, kuzunguluka Bwami bwa Leza. Miyanda yakwe ili vungaidwe. Buumi Bwakwe bwakamwaika ku nyika. Elyo Wa kapa Buumi Bwakwe, kutegwaa Ka pilukile ku miyanda a kuduntaana alubo, ku kuzyala mitabi kuzwa mu Musaansa oyo, ili ni Mbungano Yakwe itondezya micelo njiyonya eyo Nja kacita cindi Na kali waano aa nyika, ku Mu bamba kuba mbobuca nguwenya, sunu, amuya myaaka.

<sup>83</sup> O Mbungano ya Leza muumi, amusyome ceeci, Bwini! Ngooyo Mbwa bede. Cindi Muuya wini wa Leza weenda aa musyomi, kufumbwa eco Lugwalo nco lwaamba, uyo amba, "Ameni." Nkaambonzi? Walo Muuya Uusalala wakalemba Bbaibbele, uli muli nguwe, uuduntaana buumi bwakwe. Ta kwe makani oyo uukkede koonse, na eco kufumbwa muntu umbi ncaamba. Lyoonse ciyopambukana a Ijwi.

<sup>84</sup> Kuli bubeji. Alo ni bbonobono. Azwa ku musaansa wa musokwe. Walo musaansa mupati, uvumba nyika yoonse, pele ndufu. Bunji bwa ceeco caka sowelwa akati ka bantu.

<sup>85</sup> Pele, amuyeeye, "Busu" bula bujosya ku Buumi, ku bugwisywa a kububikka kwiinda ku busena bubotu, buli ngu Kristo Jesu. Kufumbwa Ijwi Lyakwe mbolibede, a Libe "ameni," kuli ndinywe. Mpawo Muuya wa Leza, mpawo, lutangalo lwa kumuuya luyo kunka mbuli mulonga. "Uyo oba mbuli muntu, musamu, oyo wakasyangwa munsi lya milonga ya maanzi. Matu Aakwe taka lobi. Ta ka kkali mu cuuno ca sikusabula na sikutasyoma, na muntu utali munaleza oyo uupona mbuli zintu zya nyika, pele uyo zyala micelo mu ciindi calyo ceelede." Ino musyobo nzi wa mucelo? Ikuti na wasyangwa muli Kristo, uyo leta micelo ya kumuuya, micelo ya kumuuya iya Muuya Uusalala. I Muuya Uusalala ulapona muli ndinywe.

<sup>86</sup> Ca kaambwa kabotu, kwiinda ku mwanakazi ku mukalo. Mu kujala, inga twaamba ceeci. Waa kati, cindi naka Mu bona, Wa kaboneka mbuli muntu buyo. Kwakanyina cintu cakali kukwelela kuli ncico, kukwelelezya, mubwini.

<sup>87</sup> Nkambo Lugwalo lwakati, "Kwiina bubotu mbo tweede ku Mu yandila. Twa kasisa masyu esu kuzwa kuli Nguwe."

<sup>88</sup> Elyo bala cita cintu nciconya sunu. Ikuti na tabali mukuzwa ku micelo ya kumuuya iya Muuya, ikuti na tabali mukulemeka aa zintu zizulilwa kuli Leza, Kristo ncintu cigalankene kuli mbabo, "Ii cikama ca babumbulusi basalala, cikama ca bantu basondokede abo bata jisi mizeezo yabo iikkwene."

<sup>89</sup> Pele, ku musyomi, ula Li bukata. Bwalo Mbuumi Butamani. Taakwe cintu cikonzya ku twandaanya kuzwa ku luyandisyo lwa Leza. Nanka lufu, nanka buusu, nanka nzala mpati, na taakwe cintu cikonzya ku twandaanya. Tuli kwabilidwe Cabutamani mu zijatizyo Zyakwe. Mpawo motubede, cindi abukati eco ciingano.

<sup>90</sup> I mwanakazi wakati, cindi... Wa kabuzya mubuzyo, "Sa inga wa Ndi letela aakunywa?"

<sup>91</sup> Waa kati, "Pele tacili cilengwa kuli Nduwe, mwaalumi, mu Juda, kulomba mu Samaria, lwangu, mubuzyo uli boobo."

<sup>92</sup> Wa kati, "Pele ikuti niwali kuzi..." Majwi aambi, mbuli boobu, "Ikuti niwali kuzi kabotu mbo kali ku Kasensa ka Buumi, Inga nda kupa maanzi kuti inga toboola okuno kuzoteka. Njo kusinkila, yebo omu Samaria. Njo kuletela, nduwe sizibi." Oyo ngo sikutasyoma, alimwi ta syomi muli Nguwo. "Ikuti na uyo Ndi lekela buyo kukugusya cifumo cino, Wa kati, Njo kusyanga ku milonga ya maanzi. Njo kubikka mu busena, kwiinda ku lubbizyo lwa Muuya Uusalala, kuti uyo syoma Ijwi lyoonse eelyo Nde amba kuti Mbwini. Muyo Ndi lekela buyo ku mukwelela, cifumo cino, inga waba mutabi mubotu. Tamu zulilwi mu muunda oyo wa masaansa. Yebo uzulilwa awa, aboobo a Ndi

kucele; ku syanga mu Zina Lyangu, ku lubazu lwa milonga, mikowa yoonse ya Ijwi lya Leza. Nkambo Ijwi lyoonse lya Leza ndya bwini. Cisyomezyo coonse ca Buleza Mbwini. Njo kusyanga ku milonga ya maanzi omwe, Leza omwe. Elyo uyo zyala micelo, mu ciindi cako ceelede. Matu aako taka lobi. Alimwi kufumbwa ncocita ciyo zwidilila. Uyo ima cindi kwatanoina busena bumbi bwa kwiima. Uyo ima, nekuba, mukuziba kuti Leza wakapa cisyomezyo. Andi Ku gusye,” Wa kati, “a ku syanga awa kubelesta Maanzi aya, cakuti to—to elede kuzuzla ku masena aya atuyanza twabuzumini, masena atubungwe, kuya kujana. To konzyi ku Ci jana okuya, nekuba. Andi Ku gusya, kuba munsi lya mukalo oyu wakaindi awa, cakuti weeled e kuto mabbakete, akulizyalizya a kukwankwana, a kunywa aniini, a kujoka a kunywa aniini. Njo kupa Buumi Butamani, lutangalo, mbuli buyo cikala, kacibwabuka mujulu ku Buumi buteeli. Ko Ndi lekela. Andi Cicite eco kuli nduwe,” Kristo wakati ku mwanakazi, sizibi.

<sup>93</sup> Elyo Wa amba cintu nciconya ku Mbungano cifumo cino. Nywebo mulizi kuti kuli Leza. Mula syoma kuti kuli Leza. Pele mu bumembala bwako, cintucimwi caka kutenda. Uli mu lukula. Takukwe lutangalo lwa kumuuya. Inga wayanda kulimvwa mbuli mbo bakacita aa Buzuba bwa Pentekoste. Sa inga toyanda kuba a lutangalo ndoba kajisi?

<sup>94</sup> Cindi Leza nakatila mu Buumi Bwakwe, mu mutabi mutaanzi wa musamu, oyo musamu wakatalika kulilemeka mbuli bantu bakoledwe. Ba kazungaana kunsi lya koongelezya kwa Muuya. Banakazi, baniini babotu basalala mbuli nakalindu Mariya, okuya kalilemeka mbuli mbwa kali koledwe. Oh, waa kali koledwe aa Muuya. Elyo waa kasola kwaambaula, nkabela ta kakonzya. Waa kajisi *milomo imamauka*, eyo yaamba “ipasaukide,” nku kumamauka, kusola kwaamba cintucimwi. Waa kazwide loko a Muuya, ta kakonzya ku caamba. “Uh-uh-uh-uh,” milomo imamauka. Mpawo, mpoonya biyo, a mwaambo umbi, ba kaamba antangalala.

<sup>95</sup> Elyo mukambausi muniini oyo watakazi kunji kwa kulemba zina lyakwe mwini aa kabeela ka pepa, wakasandula kabbokesi ka nsipa na cintucimwi, na cifumpu, akusotokela ali nkako.

<sup>96</sup> Ee, balo batasyomi baka talika kwaamba kuti, “Aba bantu bali koledwe. Eyo ni nkamu ya babumbulusi basalala.”

<sup>97</sup> Oyu mulombwana muniini wakabweza Lugwalo; kutali bbuku lya kayanza kabuzumini, pele Lugwalo. Kati, “Nywebo no bantu ba Israyeli, a nywebo nomukkala mu Jerusalema, acizibwe eci kuli ndinywe. Nkambo aba taba koledwe mbuli mbo myeeya kuti mbobabede, mukubona kuti cicili ciindi ca cikasaalizi ca buzuba. Pele nce ncico *eci* ca kaambwa a musinsimi Joel, ‘Ciyo boola kucitika mu mazuba

aakumamanino, mbwaamba Leza, Njo tila Muuya Wangu,’ eco nce cibaduntaana.”

<sup>98</sup> Sa inga mwayanda kugusigwa kuzwa ku buzumini bwakaindi bwabukombi ibwa musyobo umwi, a kukkanala ku Tusensa twa Buumi, oko kuli luumuno mbuli mulonga?

<sup>99</sup> Lufu, lwalo, ku mulombe muniini kaimvwi kulaale, kazwide kkulenge, pele wakatambula Muuya Uusalala. Elyo bamadokotela baka mwaambila kuti uli mukufwa. Bawisi baka mubuzya, “Sa—sa uli yoowede?”

<sup>100</sup> Wa kati, “Ndili libambilide. Ndili libambilide. Elyo kusiya bumboni ku inyika eyi, kundi zikkila mu kusubila, nkambo ciyooba citondezyo cakuti Bulowa bwa Jesu Kristo bwa ndivumba.”

<sup>101</sup> Nce ncico Nco cicita. Lutangalo, mbuli mulonga, ulakonzya kweenda mu busyu bwa lufu, kweenda mu busyu bwa inyika, kweenda mu busyu bwa sunko, kwiiima kumbele lya basikujana butongo a kumweka mbuli Angelo. Nkaambonzi? Buumi bwako tabuli bwako pe. Uli fwide, alimwi wa kazikkwa mu Zina lya Jesu Kristo, a kubuka alubo ku Buumi bupya. Ula konzya kuduntaana kwinda muli nduwe, cilongezyo Cakwe, a kuleta mitabi eyo iswaangene a Musaansa. “Njo babikka mu busena bwa kusala.” Leza wakati Mwana Wakwe wakali kusala Kwakwe.

<sup>102</sup> Mbobuti mbo njila muli Kristo? Neinzi Petro nca kaamba aa Buzuba bwa Pentekoste, nzila ya kunjila Kristo? Wa kati, “Amusanduke, umwi aumwi wanu, a kubapatizingwa mu Zina lya Jesu Kristo, kuti mujatilwe zibi zyanu, nkabela moyo tambula cipego ca Muuya Uusalala. Nkambo cisyomezyo cili kuli ndinywe, a ku bana banu, a kuli baabo bali kulaale, abalo boonse Mwami Leza wesu mbayo ita.” Eco caka kusanganisigwa, kwiiitwa. “Amusanduke, mu bapatizingwe mu Zina lya Jesu Kristo kuti mujatilwe zibi zyanu. I cisyomezyo cili kuli ndinywe.”

<sup>103</sup> Oh, mukwesu, Muuya wini wa Leza uyo duntaana ali Ceeco, kwaamba, “Obo Mbwini.” Amulangilile mabbonobono a musaansa wa musokwe. Pele Muuya wini wa Leza, oyo uyanda kusyangwa mu busena bwa kusala, oko micelo ya Muuya.

<sup>104</sup> Elyo ncinzi Jesu nca kacita kaindi? Wa kati, “Mukuba kuti oyo mwanakazi uyanda kuzumina ceeco . . .”

Waa kati, “Mwami, kondipa Maanzi ayo. Ndi yanda Maanzi ayo.”

<sup>105</sup> Kati, “Kosiya mupika wako wakale ukkede alya. To ciyandikani musyobo oyo wa meenda. To yandikani lugwalo lwako ku kayanza kako kabuzumini. Amusiyen Presbyteria yanu, Baptisti, Methodisti, nzila ya Pentekoste, ili kusule. Boola

ku Kasensa awa. Elyo Njo kuzuzya loko a lutangalo luyo kunka mbuli mulonga.”

<sup>106</sup> Mbuli mudaala uusiya wakati, “Ndi jisi luumuno mbuli mulonga.” Kakunka isikati a masiku. Mu busyu bwa lufu, bukunka mbubonya buyo.

<sup>107</sup> Paulo wakati, “Olufu luli kuli lumoola lwako? Elyo cuumbwe kulaali kuzunda kwako? Pele kulumbwe kuli Leza oyo uutupa kuzunda kwiinda muli Jesu Kristo.” Ncamasimpe.

<sup>108</sup> Waa ka Mu langa. Waa katalika kwaambaula kuli Nguwe kujatikizya busena bwa kukombela. Elyo Wa kati kuli nguwe, “Koya kalete mulumi wako.” (“Njo muzibya ikuti na Leza ucipona. Ndili Musaansa.”) “Koya kalete mulumi wako.”

“Baa,” waa kati, “Nse jisi mulumi.”

<sup>109</sup> Wa kati, “Mbo mbubo. Uli jisi bosanwe, nkabela oyo ngo pona awe lino tali mulumi wako.”

<sup>110</sup> Waa kanyona. Ino cakali cinzi? Kwakwe—kwakwe kusomekwa, buumi wa buumi bwakwe, oko nkwa kagusigwa ku samu eli yakaindi lya kayanza kabuzumini, ka kajisi nconzyo, cindi kuduntaana kutaanzi kwa Leza kwasika mu mitabi yakwe.

<sup>111</sup> “Munene, Nda kuziba kuti Uli musinsimi. Elyo Ndi lizi kuti Lugwalo lwakati Mesiya uyo boola nkabela Uyo cita cintu eci.”

Wa kati, “Nde Ndime. Nde Ndime.”

<sup>112</sup> Waa kasiya kayanza ako kabuzumini kakaindi kaka bikkidwe alya. Canguzu buyo mbuli mbwa kali kukonzya kuunka, waa katalika kusabalanganya makani. “Amuboole, mubone Muntu Oyo wandaambilia zintu Nze kacita. Sa Oyu tali nguwenya Mesiya? Mesiya ngu Leza uunanikidwe. Waka Mu ziba mbuli mukuba Leza, Imanueli musinsimi, Leza.

“Ndili Musaansa. Muli mitabi.”

<sup>113</sup> Waa kati, “Ee, nywebo nobantu, nywebo noba Juda mula komba ku Jerusalemu. Muli jisi mbungano mpati kutala okuya, a buzumini bwabukombi.”

Wa kati, “Ndi lizi obo.”

Waa kati, “Tula komba mu dundu eli awa.”

<sup>114</sup> Wa kati, “Ndi lizi obo. Pele ciindi cila boola, elyo lino nkocili, cindi tunsiyansiya oto twa Jerusalema, na kansiyansiya aka ka Musamariya, ta cikabeleki. Nkambo Leza walo Muuya, alimwi abo ba Mu komba beeleder ku Mu komba mu Muuya a mu Bwini.”

<sup>115</sup> Oyo ngo mutabi ujisi Bwini. “Amusanduke, umwi aumwi wanu, a batatzigwe mu Zina lya Jesu Kristo kuti mujatilwe zibi zyanu,” nkabela maya kuswaanganisigwa ku mutabi. Mu yooba a zeezi, cintu nciconya, nkambo Muuya wa Leza uyo duntaana kwiinda muli nduwe, amulete kuli ndinywe, milonga ya lutangalo, luumuno, kukkazikamoyo, lusyomo, bubotu, lubombo, buuya. Uyo kupu, kubamba kuzwa ku... Kuzwa

kuli umpe, uyo gusya kabelele kuzwa kuli nduwe. Kuzwa ku lubanze, uyo panga nziba. Mwabona? Walo Muuya wa Leza mumi oyo uucinca bupange bwako. Lino boola muli Nguwe, a kusomekwa mukati a kuba umwi wa mitabi Yakwe. Nkambo buzuba bumwi...

<sup>116</sup> Eyo nzila ya Buumi ibikkidwe mbuli boobu, bwalo Mbuumi bwa Kristo, Muuya Uusalala, kukwabana a Bwami bwa Leza. Leza uyo selukila mutabi oyo Utamani, buzuba bumwi, a boonse abo bafwide muli Kristo Uyo baleta a Nguwe, mbuli Mbwa nyamuna Musamu alimwi. Oyo waka syangwa kumbali lya milonga ya Buumi, oko Samu lifwefwema lyonse nkolita yabaali nanka kulokelwa kwa matu Aalyo.

<sup>117</sup> Mbuli Mbo cisika mutabi kuli nduwe cifumo cino, mweenzuma uyandwa, ko Ci tambula, aku gusigwa kuzwa ku zibi zyako, gusigwa kuzwa ku kuzumbaunya kwako, kuzwa ku kayanza kakao kabuzumini.

<sup>118</sup> Nse mwaambili kusiya mbungano yanu. Amu kkale a mbungano yanu, pele boola kuli Kristo. Nce ncico. Ta ndikwe makani ku mbungano nkounka, kufumbwa kuti wasika ku Kasensa ako kazwide Bulowa.

<sup>119</sup> Tambula Buumi Bwakwe, aku Bu lekela ku kubusya, ku kubusya kuzwa ku kunyomenena kwa inyika, mane zintu zyoonse zya inyika zili fwide. "Oyo uyanda inyika, na zintu zya inyika, luyandisylo lwa Leza taluko amwalo muli nguwe." To konzyi kubikka buumi bwa cipusi mu musaansa wa magirepu, a kuleta magirepu. Mwabona? Ikuti na uli wa Kristo, ula yanda zintu nzya Kristo. Ulizwide Muuya. Uli... Walo Musaansa; nywebo muli mitabi. Amu Mu leke amu tambule cifumo cino, mbuli Mbwa kacita ku mwanakazi waku Samariya, a kubikka buumi bwako mu Buumi Bwakwe, a kukubamba cilenge cipyia.

Kuciindi notu kotamika mitwe yesu asyoonto buyo.

<sup>120</sup> Kakutanaba mupailo, sa inga kwaba bamwi banga batambika maanza abo, kwaamba, "Kondi kombela, mukwesu. Ndi yanda kuswaangene loko muli Kristo." Leza alongezye moyo wako. Oh, eco ncibotuloko. "Ndi yanda kuswanganisigwa loko, muli Kristo, kuti buumi bwangu buyo mweka nkambo ka Nguwe. Ndi gusye kuzwa (ma) kuyoowa kwangu koonse, a kuzumbaunya, a kunyongana, a buzumini bwabukombi. Elyo kondi syanga muli Nguwe, cifumo cino, awo Mpe konzya kuba a luumuno mbuli mulonga. Nda libilika loko. Ta ndizi oko Nkwe ya. Ta ndizi nzila Mbwe konzya kwima. Kondi bikka alya."

<sup>121</sup> Lino kuciindi notu kotamikide mitwe yesu, nywebo nomu konzya, nomwa tambika maanza anu, sa inga mwaimikila ku matende anu, ku ijwi buyo lya mupailo? Buyo... Tuyo kukombela, mpoonya awo mpobede. Nkaambo, tu jisi... Koimikila nkoonya ku matende ako lino, kutegwa tupaire.

<sup>122</sup> [Kabeela katakwe cintu aa teepu—Mul.] . . . kagusya kuzwa kuli mbabo, kunyongana koonse. [Kabeela katakwecintu aa teepu.] . . . ku swaanganya a babi bayo; kweendela mu Mumuni mupya, kuzwida buzuba obuno. Ko cipa, Mwami.

<sup>123</sup> Wa kati, “Amulombe, nkabela moyo tambula. Amu yandaule, nkabela moyo jana. Amu konkomone, nkabela ciyo julwa kuli ndinywe.” Lino bala konkomon. Nda lomba. Akube kuti ba citambula, Mwami. Akube kuti buzuba obuno bucince maumi abo munzila ili booboo, mane kukabule kuzumbauzya kumbi mu mizeezo yabo. Elyo akube kuti baboole ku Muunzi kuli Nduwe, mu Buzuba obo.

<sup>124</sup> Ba kaima, Mwami, cifumo cino. Ba iminina Nduwe lino, kumbele lya bantu babo. Yebo wa kati, “Oyo uyo cita cintu cili booboo, Njo mwiiminina kumbele lya Leza a Baangelo basalala. Pele ikuti na wa fwabweeme kuli Ndime, mpawo, ku Buzuba obo, Njo fwabweeme kuli nguwe.” Mwami, taba fwibweeme, kuseeni oku. Ba liimvwi. Lino, Ula bamba Ijwi Lyako. Koba zuzya a Muuya Wako, a kubapa buumi bwa mulimo, kutegwa, mu inyika iiciza, baka tangalilwe Busu butamani bwa Mwami Jesu. Kuzwa buzuba obuno, kuzwidalino, twa batuula kuli Nduwe, mu Zina lya Jesu. Ameni.

<sup>125</sup> Leza aku longezye. Muntuumwi uli munsi lyabo kosukana janza lyabo, oyo uli munsi lyabo.

Kuli Kasensa . . .

<sup>126</sup> Lino mulumbe wamana, lino komba Mwami, kubaanga buyo nkujala meso ako.

. . . Bulowa,  
Kazwa kuli ya Emanueli . . . (Oyo wakali Leza,  
Immanuel.)  
Elyo basizibi, (batasyomi) dumpukila . . .

Kobinda, kozusa, boola.

. . . kunsi . . .  
Kusweekelwa twiimba toonse twa milandu  
yabo.  
Sweekelwa . . .

<sup>127</sup> Ko Mu komba buyo lino mu Muuya. Lekela buyo moyo wako kwaanguluka. Ta ndikwe makani eyo mbungano nko zulilwa. Buyo, mu moyo wako, “Ndaku Lumba, oyandwa Leza.”

Elyo basizibi . . . kunsi lya zambahulwe eelyo,  
. . . milandu yabo . . .

<sup>128</sup> Lino Ndi yanda kuti utambike janza lyako, nywebo no Banakristo, lino, basyomi, a kwiimba ceeci a ndime.

Ebeka kuzwa ku lusyomo Nda kabona kalonga  
ako  
Zilonda zyako zilazwa kasensa,

Kutali kayanza kabuzumini lino, amuyeeeye.

Luyando lunununa lwa li mwaambo wangu,  
 Elyo luyooba mane Nka fwe.  
 Elyo kuyooba mane Nka fwe,  
 Elyo uyo . . . (Oyo uyooba wangu . . .) . . . Nda  
     fwa;  
 Kunununa . . . (Kutali sikusabula, pele  
     luyandisyo lunununa.) . . . wakali mwaambo  
     wangu,  
 Elyo luyooba mane Nka fwe.

<sup>129</sup> Sa mula caamba, kuli Nguwe? Amwaambe, “Ameni.” [Mbunga yaamba, “Ameni.”—Mul.] Acibe booboo. *Lusyomo Lwangu Lulanga Kuli Nduwe*.

<sup>130</sup> Mbangaye bacisidwe a babulide, cifumo cino? Kwamana kumuuya, mu yandikana lugwasyo lwa kunyama. Tambika janza lyako, mpawo tula konzya ku kubona. “Ndili bulide, Mukwesu Branham. Ndili—Ndili waano. Ndili cisidwe. Nse—Nse konzyi buyo kuba kabotu. Nda kasoleka. Nda kaunka kuli dokotela. Nda kacita koonse Nkwe kazi kucita, pele Nse konzyi buya kucibamba, kuboneka mbuli. Pele Ndi syoma kuti Leza uyo ndibamba kuba kabotu.” Mula syoma obo? Eco ncisyomezyo Cakwe.

<sup>131</sup> Lino, sa wakasyangwa kwiinda ku milonga ya Maanzi? Ino Maanzi ninzi? Oyo Kristo wakaumwa; kuti, mbuli kuzwa mu meenda aakakunka, ku kuvuna bantu bali mukunyonyooka kuzwa ku lufu. Kristo wakaumwa, alimwi kuzwa mu mubili Wakwe kwa kayutuka Muuya Uusalala, kuti bantu banyonyooka tabafwi pele kuba a Buumi Butamani. Sa uli . . . Kuli zintu zinji zyandeene.

<sup>132</sup> Leza ula syomezya kuponya. “Wa kayaswa nkambo ka nsotoko zyesu, kacuzaulwa nkambo ka milandu yesu; kutu gwasya iswe nciceeco Nca kakwabbawidwa; a mibunda Yakwe twa kaponesegwa.” Milonga, milonga ya Maanzi omwe, Muuya Uusalala.

<sup>133</sup> “Kuli, lutaanzi, baapostolo, basinsimi, bamayi, bavangeli, beembeli,” milonga ya Maanzi omwe.

<sup>134</sup> “Kuli misyobo yandeene ya zipego. Bamwi bakaitwa kusinsima. Bamwi bakaitwa, kupa cipego ca kuponya. Bamwi bali jisi busongo. Bamwi bali jisi luzibo, kwiinda ku Muuya omwe. Bamwi balaamba mu myaambo. Bamwi balapandulula. Boonse ku Muuya omwe,” Bakorinto Bataanzi 12. Ino ncinzi? Milonga, milonga ya maanzi manji, maanzi manji.

<sup>135</sup> Milonga minji ya Maanzi omwe, Muuya Uusalala kaupa zipego a zilongezyo zinji kuzwa kumasena oonse. Ula leta zipego zivubide, awalo, zipego zya kuponya, zipego zya lufutuko, zipego zya Muuya Uusalala zya kubeleka mu mbungano yanu akati ka

bantu. Milonga! A lutangalo mbuli mulonga a butololo. Mbo cili cibotu!

Lusyomo lwangu lulanga kuli Nduwe,  
 Yebo Kabelele wa Kalivari,  
 Mufutuli Wabuleza;  
 Lino kondimvwa kuciindi ne Ndi komba,  
 Kogwisya zibi zyangu zyonse,  
 O ndileke kuzwa buzuba buno  
 Kuba cakumanininina . . .

<sup>136</sup> Lino, Mwami, oyo ngo mupailo wesu. Ta tukabi mu kubinda. Eyi ni sabata. Obu mbo buzuba Mbo kapanga. Twe elede ku Ku komba buzuba boonse. “Isikati lyoonse a masiku oonse,” sikuyabilia wakati, “Baangelo bala zumanana ku ndeembela.” Lino tu limvwa kuti Bali munsi.

<sup>137</sup> Taata Leza, Nda amba cintu ciyandika loko. Pele tii Nda cicita . . . Lingula moyo wangu, Mwami. Ikuti na Nda cicita kwiinda mu munyono, mpawo kondi jatila. Pele Nda kacicita kwiinda mu luyandisyo lwa mutabi Wako, Musaansa Wako. Nda komba, Mwami, kuti na kuli bamwi awa abo bumembala mu tubungwe tupati, amuyeeye . . . Nse soli kubalomba kuzwa kuli ceeco. Ndi babuzya buyo kutali kwaangwa ansi a buzumini bwabo bwabukombi, pele kusika kuli Nduwe, a kwaangululwa akuliminwa, nkabela Muuya watilwa mukati. Mpawo mbungano yabo iyoba mbungano mbotu, mbungano ya kumuuya, eyo Njo boolela, kakutakwe kabala na kaimba, wakasanzigwa mu Bulowa bwa Kabelele. Eyi inyika ya bupampu, sunu, Taata, ili kulaale kuzwa kuli ceeco. Ba yandaula nkamu zya bantu mpati a mambungano mapati, mbuli musaansa wa musokwe. Pele, Mwami, tula—tula yaamana ku mucelo oyo mubotu, oyo mucelo wa Muuya, oyo uuleta bubotu ku buntu bwesu.

<sup>138</sup> Twa lomba lino kuti Wa longezya bantu aba baciswa abo baboola kumbele kuzo kombelwa. Mwami, sa inga Nda Ku lomba lomwe lumbi, sa inga Wa salazya mutabi oyu uteeleeli, kwiinda ku Bulowa Bwako? Kuti Muuya Wako uyo tila kwiinda muli nguwo, kutondezya Leza muumi, kuti Nduwe Leza nguwenya oyo wakaambaula ku mwanakazi ku mukalo. Akube booboo, kuti bantu inga baimpya lupyopyongano, kutegwa babone awo Muuya wa Leza mpoubede ncobeni, uli mu moyo wa musyomi, kutali mu mbungano imwi, pele mu moyo wa musyomi. Ko cipa, Taata. Njo lindila kuli Nduwe lino, kuli Nduwe kulitondezya Omwini, mbuli Mbo katondezya mu mazuba akaindi. Mbuli Mbo kalitondezya Lwako kwiinda muli Jesu, Oyo wakafwa kutegwa tu salazye, kuti Muuya nguwenya wakali muli Nguwe inga wayutuka kwiinda muli ndiswe, kuleta micelo njiyonya. Ko cipa, Taata. Nkambo Nda tuula zintu zyonse kuli Nduwe, mu Zina bbotu lya Mwana Wako, Jesu. Ameni.

Tandi lekeli kusola kuleya  
Kuzwa kuli Nduwe kumbali.

<sup>139</sup> Yaa, Teddy, *Syoma Buyo*. Lino mbangaye omuno ba . . .? Billy waamba kuti wavozya makkaadi aa mipailo.

<sup>140</sup> Lino twa kali, mu mbungano, mukuba kuti kuli syankene, kubweza buyo a kulomba boonse beenzu akati kesu kwiimikila, a kulekela Muuya Uusalala kuzwa kwiinda mu bantu abo a kubaziba mbuli boobo. Twa kacita ceeeo, ziindi zinji. Lino, mvwiki zisyoonto zyainda, umwi wakati, “Pele nciyumu ku bantu kumita ceeeo. Pele ba yanda mundando wa mipailo.” Aboobo tu . . . Mbangaye bakaliko okuno cindi Muuya Uusalala niwakaunka atala lya bbunga a kubweza muntu aumwi kuzwa ku bbunga? Masimpe.

<sup>141</sup> Lino, Nda ambila Billy ku vozya makkaadi, kutegwa inga twa ita, ku nkamu, a kuba kombela, mwabona, ku cimanizya.

<sup>142</sup> Aboobo mpawo, elyo mpoonya biyo kwamana ceeei, bayooba a mulimo wa lubbizyo kuli ndinywe nomuyanda kubbizigwa. Tuyo mupa busena, ciindi, mu maminiti buyo masyoonto.

<sup>143</sup> Lutaanz, twa kaambaula kujatikizya ceeei. Twa kaambaula kujatikizya Musaansa oyu, lukono olu lwa Leza. Lino, ikuti na obo mbwini, nkokuti ikuti na tuli mutabi wini wakakanza ku Musaansa oyo, mpawo oyo Muuya Uusalala nguwenya weelede kuboola kwiinda muli ndiswe. Elyo ikuti na Ca cita, Ciyo cita cintu nciconya nco Ca kacita kwiinda muli Nguwe, nkambo Walo Musaansa. Tuli mitabi. Elyo ikuti . . . I Buumi buli mu musaansa bweelede kuba mu mutabi, ku kubamba mutabi kupona. Ikuti na waleta lwandaano kuzwa kuli ceeeo Musaansa oyo nco wakazyala, nkokuti musaansa uulubide. Nce ncico Nce sola kwaamba. Bweelede kuba Buumi mbubonya.

<sup>144</sup> Lino, nguni ujisi makkaadi aa mipailo? Tambika janza lyako! . . .? . . . Yaa. Mpaali mpo italicikila, kuzwa kuli wani kusika ku fifite, na wani kusika ku mwaanda? Na, mbangaye bazi? Sa—sa makkaadi aa mipailo kakutanaba . . . Amulindile. Lino, nguni ujisi mweelwe mutaanzi? Sa kuli mweelwe mutaanzi wa kkaadi lya mupailo omuno? Sa kuli? Ee, mpaali mpo cakatalikila, mpawo, makumi osanwe? [Ii mukwesu waamba, “Omwe kwiinda mu makumi osanwe.”—Mul.] Oh, oh, awa, umwi kusikaku makumi osanwe. Yaa.

Amwiime mpoonya alya, mwabona, mweelwe mutaanzi.

Mweelwe wabili. Mweelwe wabili. Yaa, amwiime mpoonya alya.

<sup>145</sup> Mweelwe watatu, mweelwe wa kkaadi lya mupailo watatu. Sa cili mu buyake? Sa inga bakonzya kutanta? Mundi jatile. Bala bajana, koons. Namba thrii, sa inga waboola awa, mulindu?

<sup>146</sup> Namba foo. Nguni ujisi kkadi lya mupailo wa namba foo? Koya mpoonya awo, omulindu. Namba foo, sena Nda bona ceeco? Sa oyo ngo umwi . . . Nguni ujisi namba foo? Yaa.

Namba faivi, namba sikisi, seveni, eiti. Eiti, namba eiti.

<sup>147</sup> Naini. Lino amulindile awa. Namba eiti, naini. Bantu bamwi bakaunka kubusena, aboobo inga caba, ambweni bakali bomwe. Namba naini.

<sup>148</sup> Namba teeni, namba ileveni, namba twelufu, theetini, footini, fifitiini.

<sup>149</sup> Fyuu! Ndi bulide one na osanwe atako. Aboobo tuyu sika kuli ncico. Ndiza twa kazwa. Ikuti na umwi wanjila, Mukwesu Taylor, amulangilile a kubona ikuti na bali jisi makkaadi aa mipailo okuya. Amu basobelele mu mundando, ikuti na mula konzya. Ikuti na akwalo bazwa kusule okuya abusena bumwi.

<sup>150</sup> Lino Ndiyo lomba lulemeko lumaninide, a kubatama buyo mbuli.

<sup>151</sup> Mbangaye omuno bacisidwe nkabela taba jisi makkaadi aa mipailo? Sa inga watambika maanza ako akuti, “Nda ciswa a babulide nkabela nse jisi kkadi lya mupailo.” Ncibotu. Lino amulange nzila eyi nkabela mula syoma. Ncibotu.

Lino, Mukwesu Teddy, bucebuce ncobeni.

<sup>152</sup> Lino, ikuti na aba bantu taba booli mukati, inga twa zumanana a mundando wa mipailo, kubusena bumwi bumbi. Pele tuyu lindila, ku bapa busena.

<sup>153</sup> Lino, nceeci ciindi zintuzyonse Nze kaamba zyeedele kutondezegwa kululama na kulubila. Sena Bbaibbele ta lyaambi kuti, “Amusoleke zintu zyoonse. Elyo amujatisye eco cibotu”? Lino ikuti . . . Jesu, mukuba Musaansa wa Leza, kavungaidwe ku Cuuno cabwami ica Leza, kazyala Buumi Butamani ku Mbungano, alimwi tuli mitabi ya Musaansa oyo. Mwabona?

<sup>154</sup> Wa kasyanga Israyeli mu Palestine. Tii cakabeleka. Ba kaba mbuli . . . Micelo yabo yakamana mbuli bbola lyamisobano. Ya kakomena masiku onse, a kuunka, katondezya kuti tii yakali kabotu. Tii yaka jisi “Titamani.”

<sup>155</sup> Pele micelo ili muli Kristo Jesu unocili kwalyonse. Be elede kucita. Elyo ikuti na Muuya Wakwe, oyo wakali aali Nguwe, ucipona sunu, Ta uli kabungwe ka kufuta. Ngu Leza muumi oyo uuleta Buumi mbubonya obo Mbwa kacita. Mula syoma obo?

<sup>156</sup> Lino, ta likapenti buyo a kwaamba, “Oh, zintu ezyo zyakali zya buzuba bumbi. Oh, Neintucimwi mbuli *ceeci*.” Ikuti na cacita, kosompolia, cifumo cino.

<sup>157</sup> Bwalo mbwini. Bwalo Mbuumi bwini. Ngu Kristo wini. Lino uli jisi lusyomo a kusyoma, alimwi uta zumbauzyi nokuceya pele kuti Leza nkoli kukuponya baciswa.

<sup>158</sup> Lino, nywebo nomu tajisi makkaadi aa mipailo, ikuti na muyo komba a kusyoma buyo a moyo wanu oonse, mpawo—mpawo Leza uyo, Leza uyo kupa zintu nzo lomba. Mbangaye basyoma boobo lino?

<sup>159</sup> Lino Ndi yanda ku mubuzya cintu comwe cimbi. Ikuti na Leza uyo cita cili boobo . . . Lino atu bone ikuti na kuli umwi mu mundando oyu oyo Ngwe zyi. Taakwe muntu awo oyo Ngwe zyi.

<sup>160</sup> I iyi, Muciz Logston. Sa toli Mucizi Logston? Embo na? [Mucizi Logston waamba, “Nseli mu mundando.”—Mul.] Oh, toli mu mundando. Nda—Nda usa.

<sup>161</sup> Ndi yeeyela kuti bantu abo boonse bali beenzu kuli ndime lino. Sa mbo—sa mbo mbubo? Nse zyi cintu kujatikizya nduwe. Amunyamune maanza anu mujulu ikuti na kuli luleme. Awo, mbobuti eco mbo cakacitika? Obo buyo eco mbo cakacitika, kwiinda mu kuselemuka buyo a kuvozya mulongo woonse wa makkaadi aa mipailo, kufumbwa muntu oyo uyanda awa, akwalo kuli bamwi ndiza bakacita . . . mu—mu tabako? Mbobuti eco mbo cakacitika? I mundando umaninide kuya, taakwe muntu kuno eno mu cikombelo. Ta ndisyomi eco cakasola kucitika.

<sup>162</sup> Lino nywebo nomu tajisi makkaadi aa mipailo. Kwakali mwanakazi wakalisyanikizya kwiinda mu nkamu ya bantu, ciindi cimwi, a kuguma moombe wa cikobela Cakwe, nkambo waa kati, “Nda syoma. Takukwe makani eco mupaizi ncaamba, na kufumbwa muntu umbi. Nda Mu syoma. Ikuti na Nda konzya kuguma cikobela Cakwe, Ndiyo ponesegwa.” Nywebo mulizi kaano? Elyo waa kaguma cikobela Cakwe. Elyo Wa kavuulukila kuli nguwe a kumwaambila kuti kuzwa bulowa kwakwe kwakaima. Lusyomo lwakwe lwaka muponya. Nywebo mulizi obo kuba Bwini?

<sup>163</sup> Ee, Walo Mupaizi Mupati nguwenya cifumo cino. Uli ku Cuuno cabwami ca Leza. Ijwi Lyakwe, eyo mitabi Yakwe. I Ijwi lya Leza kali hakidwe aa Cuuno cabwami ca Leza kuzwa ku malengelo aa inyika. Sena mula cisyoma? Ca kaleta Buumi, Kristo Jesu. Kwiinda mu Buumi obo, kaleta mu mitabi, cileta Buumi mbubonya mbo Bu bede kuzwa ku Cuuno cabwami. Sa mbo mbubo? Mpawo Ula kkala, ciimo Cakwe ca miyanda sunu, cili ku janza lyalulyo lya Bupati ku Julu, ku kuzyala Buumi mbubonya kwiinda mu Mbungano Yakwe. Walo Mupaizi Mupati ukonzya kugumwa kwiinda kukulimvwa kwa nkompami zyesu. Obo mbwini, embo na? Lino mula syoma obo a moyo wanu oonse.

<sup>164</sup> Ikuti na Wa cita ceeci, mbangaye banu bantu bacisidwe okuya bayo citambula? Nyoonse nywebo? Lino, Teddy . . .

<sup>165</sup> Lino mpaawa kwiimvwi mwanakazi, oyo ngwa tambika buyo janza lyakwe kuti Nse muysi. Elyo Leza ulizi obo, kuciimo Mbwe zyi, Nse na mubwene kale.

<sup>166</sup> Kwayanda akwalo uzwa ku dolopo eli. Ta ndizi. Ta ndizi wani theedi limbi bantu. I bantu bapya baka njila. Nda kali

kunga ndaselemukila ku dolopo, Nda—Nda kalizi bantu boonse. Lino Nse zyi naba omwe, nokuceya, nkaambo koonse kwa kanjila.

<sup>167</sup> Ta ndizi mwanakazi. Ta ndizi pe. Pele ikuti na obo Buumi mbubonya bwakali mu Musaansa oyo, oyo wakasyomezya kuti mutabi uyo leta mundando nguonya oyo i... Buumi mbubonya obo Musaansa mbowa kaleta. “Oyo usyoma muli Ndime, milimo eyo Nje cita Mebo uyo icita.” Sa olo Ndugwalo? Musalali Johane 14:8. Yaa.

<sup>168</sup> Lino, ikuti na mulimo Ngwa kacita, kaambaula ku mwanakazi ku mukalo a kumwaambila cintucimwi eco cakali cintu cisisidwe mu buumi bwakwe; ikuti na oyo Muuya Uusalala nguwenya, cifumo cino, uyo beleka kwiinda mu mbungano awa, a kukanana kwiinda muli ndime, a kwaambila mwanakazi oyu cintucimwi eco ncali waano, na cintucimwi eco cakali mu buumi bwakwe, na cintucimwi cimbi eco ncazi kuti Nse zyi cintu kujatikizya ncico. Nkaambo, ikuti na Nse muzi, ee, Nse—Nse zyi cintu kujatikizya nguwe. Uli imvwi buyo awa.

<sup>169</sup> Pele ikuti na oyo Muuya Uusalala uyoopa ceeco, kutakakilwa. Ndeeli Ijwi lya Leza, lyaka cisyyomezya. Mpaawa toonse mpo tubede, kwaamba, toonse swebo, “Tii twa kazibana, tatuna bonana.” Ikuti na Muuya Uusalala uyo yubununa eco, mpawo, obo Buumi mbubonya bwakali mu mutabi oyo bucili muumi, na mu Musaansa, mubwini, kuuduntaana kwiinda mu mutabi. Akube kuti Mwami Leza acipe.

<sup>170</sup> Lino, mu Zina lya Jesu Kristo, Nda bweza myuuya yoonse omuno ku bweendelezi bwangu, nkambo ka Bwami bwa Leza. Lino, lino amubatame buyo maningi, nyoonse.

<sup>171</sup> Tula swaangana kwa ciindi cesu citaanzi, mwaalumi a mwanakazi, ncintucimwi mbuli mbo cakabede mu Lugwalo. Leza uzumizya cecci, antela, kuti bantu, ku Buzuba bwa Lubeta, inga baziba, kutaba a ntamizyo. Ikuti na umwi wasola kuzwa cifumo cino, kakutakwe kusyangwa muli Kristo, kakutakwe kuziba buboto Bwakwe a luse Lwakwe; kakutakwe ncico okuya, inga cabia a coolwe ciniini loko, inga Nda mwvisya, ku Buzuba bwa Lubeta. Cindi Ijwi lya kambaukwa, elyo mpawo ikuti na Muuya Wakwe...

<sup>172</sup> Mwabona, kuli cintu comwe, ku kambauka cintucimwi. Ikuti na Ngu Leza wamakanai aakale, nkokuti eco buyo Nca kacita mu makani aakale. Pele ikuti na Walo Musaansa ncobeni, alimwi tuli mitabi, mpawo mutabi uli buyo mbuli cibeela cinji. I Buumi buli mu Musaansa bula duntaana moonya kwiinda mu mutabi, mwabona, aboobo uyo zyala cintu nciconya. Wa kacisyomezya. “Oyo usyoma muli Ndime, milimo Nje cita uyo icita awalo.”

<sup>173</sup> Lino, ikuti na uli cisidwe, alimwi, kuti—kuti Ta ndizi. Pele ikuti na uli cisidwe, inga Nse kuponya, nkaambo Wa kacita kale eco.

<sup>174</sup> Pele inga bwaba kuti Busyu Bwakwe awa inga bwakubamba kumvwisya cakulondoka kuti Mpali ano. Mpawo eco inga cakomezya lusyomo lwanu ku cizumina. Mwabona? Eyo nje nzila mbo cinga cacita ku bbunga. Eco nco cinga ca citila mwanakazi oyu, inga ca citila umwi aumwi wantu. Lino amusyome buyo obo.

<sup>175</sup> Nkaambo, “Wa kayaswa nkambo ka nsotoko zyesu. A mibunda Yakwe twa kaponesegwa.” Twa kali obo. Kaindi loko kainda, myaka ili zyuulu zyobilo zyakainda, lufutuko a kuponya zyakasika mpawo.

<sup>176</sup> Lino yebo wati, “Ino waambaula nzi, Mukwesu Branham?” Ndi bona eco Muuya Uusalala ncouyo wamba. Nse muzi pe.

<sup>177</sup> Elyo busena buyumu kapati Mbwe kasola kuba a muswaangano, buli mpoonya awa. Nkaambo, obo Kristo mbwa kaamba, “Ii musinsimi mu cisi cakwe cini, akati ka bantu bakwe beni.” Mwa cibona? “Wa kanjila kuli Bakwe beni, a zintu zinji Nzya takali kukonzya kucita.” Wa keenda kuzwa. Lino, takali kaambo ka nkamu eyi niini awa. Eyo taili njiyo. Mbungano yangu, bala ndiyanda a kundi syoma. Pele ncintu caanze. Elyo Ijwi ly a Leza ly kaamba. Ly a amba boobo.

<sup>178</sup> Pele Ndi—Ndi yabuya kwa kaindi kaniini, kubona ikuti na Muuya wa Leza uyo ndinanika kuziba. Lino, walo muuya alimwi walo mibili. Buzuba bumwi muuya uyozwa, elyo mpawo mibili uyobola. I muuya ulaunka kuli Leza Oyo wakakupa. Ngooyu muuya, awalo, wiimvwi awa, pele ula imininwa mu mibili wanyama. Lino ikuti na eyi myuuya ili cedwe mu Musaansa oyo, iyo zyala i . . .

<sup>179</sup> Ino cakali cinzi? Cindi muuya niwakasika kumbele ly a Jesu, eco cakali cintucimwi cilubide kuli ncico, oyo Muuya wakali muli Nguwe waka ciyubununa. Mwabona? Elyo mwanakazi, cindi ni Ca ciyubununa, waa kacitambula, a kuti, “We elede kuba Mesiya. Tu lizi kuti cindi Aku boola, Uyo twaambilia zintu ezi.”

<sup>180</sup> Petro, cindi na kasika, oh, wa kabaanga wagambwa eco Andreya ncakali kwaambaula. Wa kati, “Ngu Mesiya.” Elyo cindi na kasika kuli Nguwe, Wa kati, “Zina lyako ngu Simooni. Uli mwana wa Jonasi.” Oko kwakali kunji kuli nguwe. Mwabona? Wa kalizi kuti Ta kazi kuti wakali ni.

<sup>181</sup> Pele Uli zyi na nduweni. Nse zyi na nduweni, pele Uli zyi. Nse zyi cintu kujatikizya nduwe, pele Ula cita.

Lino, nceeci Mbo cibede. Lino Muuya wa Leza mpouli awa aa cipaililo.

<sup>182</sup> Lino, mpawo, Wa kalizi kuti cintucimwi cakacitika. Uli waano nkambo ka bulwazi bwa kulibilika. Mbo mbubo. Yebo ujisi coondamazwi, akwalo. Obo mbwini. [I mucizi waamba, “Cili boobo.”—Mul.] Mula syoma? Nsenya mubwene mwanakazi mu buumi bwangu.

<sup>183</sup> Lino, sa eco tacili cibotu, kuti cini . . . Ndi lizi ulaangidwe ku Ci mvwa. Ndi langide kuli Ncico. Mwabona? Mbuli buyo sipela kubotu.

<sup>184</sup> Peepe, bona muntu kaboola okuno. Walo munyoko. Wa kali kumukombela kapati. Nda bona mwaalumi, muniini loko. We elede kuba mukutausi. Walo mwana wako. Walo ujisi penzi lya kumuuya. Wa boola lweendo lulamfu, kusika awa. Wa zwa ku Musanza, kuboola nzila eyi. Yebo uzwa ku Tennessee. Nduwe Muka. Tabor. Ko jokela. Ujisi nkumbizyo yako. Leza ko ipa kuli nduwe. Ikuti . . .

<sup>185</sup> Lino, Nse guma mwanakazi. I Muuya Uusalala wakacita ceeco. Lino, eco ncimwi. Sa eyo nje nzila njiyonya mbo cakacitika mu Bbaibbele? Oyo mwanakazi wakati, “We elede kuba Mesiya.” Lino, eco ta caambi kuti *ndime* Mesiya. Eco caamba kuti Muuya wa Mesiya mpouli awa. Tuli baalumi a banakazi buyo. Walo Muuya wa Mesiya.

<sup>186</sup> Lino, mula Ci tambula, ko gusigwa, kuzwa ku kutasyoma oko kwakale, a kusyangwa moonya munsi Lyakwe, mwabona, lino. Koli busya omwini a kuti, “Mwami Jesu, Yebo mukuba Mwana wa Leza, Mupaizi Mupati. Mukwesu Branham waamba buyo kuti Uli kkede mu Bupati Kujulu. Wa kakanzwa kuzwa ku malengelo aa inyika, Wa kajaigwa, kuleta micelo eyi; kuti, mebo, musyomi wa nzila-ya cisela, kusola kusyoma, inga wabambwa mubuzule kusyoma. Andi gume cikobela Cako. Ko mucitya kukanana kuli *ndime*.” Yebo uci . . .

<sup>187</sup> Nywebo mu bbunga, mwaamba cintu nciconya. “Nkambo ikuti na Uli mbobuca nguwenya, sunu, amuya myaaka, Ko—Ko—Ko ndilekela Ku kuguma kubelesya lusyomo lwangu, kubikka ambali mizeezo yoonse ya kutasyoma. Andi Ku gume.”

<sup>188</sup> Nda syoma watambika janza lyako, akwalo, kuti tuli beenzu kuli umwi aumwi. [I mucizi waamba, “Nda cita.”—Mul.] Yaa. Lino, ikuti na Mwami Jesu wakonzya kundi yubunwida, cintucimwi eco—eco cilubide kuli nduwe, na cintucimwi nzila imwi, inga mwasyoma kuti, kuti eyi ni nzila ya Buumi, kuti Mbungano yaka syangwa ncobeni muli Leza. Jesu wakati, “Ku buzuba obo, moyo ziba kuti Ndili muli Taata, Taata uli muli Ndime; alimwi Mebo muli ndinywe, a nywebo muli Ndime.” Mwabona? Bwalo Mbuumi obo bwa Leza kabukunka moonya muciindi ca Zina lya Jesu Kristo, nkoonya kunselelo mu Mbungano, mwabona, kotubamba kuba bomwe. Tuli mitabi. Twi iminina Bakwe.

<sup>189</sup> Ikuti na ula syoma obo, eelyo penzi lya matende inga lya kusiya. Sa inga mwacisyoma? [I mucizi waamba, “Nda syoma. Nda syoma.”—Mul.] Ncibotu. Inga mwa citambula. Elyo mulumi wako inga waponesegwa, awalo. Ula syoma na inga wacita, ku herniya? [“Iiyi.”] Yebo, munene, syoma kuti inga waponesegwa? [I mukwesu waamba, “Ameni.”] Uh-huh. Ula cita na? Ujisi

mwana musimbi, akwalo. Walo ujisi muuya wa penzi limwi lya kumuuya. Yebo uzwa ku Nyika, kuboola nzila eyi. Wa kaseluka mu mugwagwamupati. Uzwa ku Austin. Zina lyako ngu Muka. White. Ngu MBUBOOBU MBWAAMBA I MWAMI. [“Oh!”] Kojoka a kusyoma eno, a kuponesegwa, elyo mpawo kuba kabotu. Leza amupe kuyandisya kwa moyo wanu.

“Ikuti na mwakonzya kusyoma, zintu zyoonse zila konzeka.”

<sup>190</sup> I Buumi bwa Buumi bwa Kristo, mu mutabi. I mutabi tauli Branham Tabernacle. Mutabi tali William Branham. I mutabi uli oonse uyo somonwa kuzwa ku kutasyoma kwanu, a kusyangwa muli Ngewe.

<sup>191</sup> Nda syoma watambika janza lyako obo, akwalo, twa kali beenzu. Nse kuzi. Leza uli kuzi. Toli waano kuli lwako. Ngwa mwana. Nda bona Mumuni kaulengelela atala lya mwana. Ikuti na Leza uyo yubununa kuli ndime eco cilubide ku mwana wako, sa ula ndisyoma kuba musinssimi Wakwe, a kusyoma kuti Nda kwaambila bwini? Inga wacita. I mwana ujisi penzi lya moyo. Ngu cintu cimwi mbuli kavalusi, dokotela wa kaamba. Ca kali kulangwalangwa. Walo uyanda kucitumina ku kabbadela cakufwambaana. Mbo mbubo. Uzwa okuno mu Jeffersonville, okuno mu kagwagwa, Fulton Street. Pele mbo mbubo. Elyo zina lyako ngu Muka. Burkhardt, Irene Burkhardt. Kojoka, a kusyomena muvwanda, kuti uyooba kabotu.

<sup>192</sup> “Ikuti na mwakonzya kusyoma, zintu zyoonse zila konzeka.”  
Ikuti na mwasyoma buyo!

<sup>193</sup> Oyu mwanakazi ukkede awa a penzi eelyo lya kulibilika. Iiyi. Ko ciluba. Uya ku muunzi, koba kabotu lino.

“Ikuti na mwakonzya kusyoma!”

<sup>194</sup> Tambika janza lyako mbuli *boobu*, ujisi penzi lya musana. Ula syoma na kuti Leza uyo kubamba kuba kabotu? Ula syoma, ko cizumina? Mpawo koya ku muunzi a kuba kabotu. Jesu Kristo wakumba kuba kabotu.

<sup>195</sup> Yako ni nsa. Aboobo, ko zumanana, uli jisi yako, ayebo, munene. Leza aku longezye.

Koba a lusyomo muli Leza. Uta zumbauzyi.

<sup>196</sup> Mwanakazi uusiya. Kuli bobilo babo. Nkoonya kusule okuya. Cikoto aa kameneno, mu kameneno. Kosyoma a moyo wako oonse. Ula cisyoma na, Omulindu? Mbuli kangowani ka tutambo, kasamidwe awo. Ula syoma na? Tambika janza lyako. Ncibotu. Koya ku muunzi; kuyo kusiya.

<sup>197</sup> Ngooyo mwanakazi muniini kwiinda oyu. Nse kuzi. Leza uli kuzi. Ula syoma na kuti inga Wa kuponya? [I mucizi waamba, “Iiyi”—Mul.] Ee, kujokela ku New Albany, Muka Pearl Allen, a kuba kabotu. Jesu Kristo wakuponya. Koya, ko cisyoma, inga waba kabotu.

<sup>198</sup> Koba a lusyomo muli Leza. Ula syoma a moyo wako oonse? Lino, tali . . . Oh, kuli zintu zyoonse buyo zicitika, koonse ku . . . Ikuti na wakonzya buyo kucisyoma, mweenzuma!

<sup>199</sup> Wapona buti, munene? Ula syoma na kuti Jesu Kristo Mwana wa Leza? Ula ndisyoma kuba musinsimi Wakwe? [I mukwesu waamba, "Nda cita."—Mul.] Ula syoma kuti eco nce Nda kwaambila. Inga waziba naa mbwini na pe. Mula syoma eco Nce kakambauka, cifumo cino, bwalo Mbwini? ["Iiyi."] Ula syoma. Uli waano ku cintu cibotu. Uli waano kugusya cilengwa, eco, kufweba. Nda kubona ko cilangide, a kupa mulandu ku cintu, a kuci tantamuna kuzwa kuli nduwe. Mbo mbubo. Uta . . . na wa . . . swiilila. Uyanda mupailo wa ku mukaintu wako. Ujisi kubaanga nkubibwa mbuli cizungubwebwe. Ba. Carlock, amubweede ku Owensboro, Kentucky, oko nko muzwa. Muta gusyi umwi umbi. Jesu Kristo waku ponya. Koya, mu Zina lya Mwami, a kuponesegwa.

Ula syoma?

<sup>200</sup> Lino amulange. Oyu mwaalumi uboola okuno, kobikka buyo janza lyako ali lyangu, mudaala, awa. Penzi lyako lya musana lyamana. Ko zumanana buyo kujokela kwiinda omuya, kolumba Leza. Ameni.

<sup>201</sup> Yebo uyanda kwiinka kuyoolya cisusulo cako? I penzi lya mwida lila kulekezya ikuti na ula cisyoma. Ula cisyoma na? Koya mu lweendo lwako. Alumbwe buyo Leza, a kwaamba, "Ndaku Lumba, Mwami."

<sup>202</sup> Mbangaye basyoma a moyo wanu oonse?

<sup>203</sup> Leza aku longezye. Mboli booboo, akwalo, inga waunka a kulumbaizya Mwami. Kwaamba, "Ndaku Lumba, Mwami."

<sup>204</sup> Uli jisi penzi lya bantu banji okuno ndo bajisi. Kwalo nkulibilika, kubamba moyo wako kuzumanana, a penzi lya moyo. Ikuti na wasyoma a moyo wako oonse!

<sup>205</sup> Kubusena okuya, mbangaye bajisi moyo wa kulibilika a zintu? Lino amunyamune maanza anu mboli *boobo*. Amulange awa. Mbobuti mbo konzya kusola ku ciita? Mwabona?

<sup>206</sup> Ula syoma a moyo wako oonse? Ula cita, ayebo? Ncibotu. Koya aku ponesegwa mu Zina lya Jesu Kristo. Muta zumbauzyi nokuceya, pele amusyome muli ceeeo caambwa kuli ndinywe kuti Mbwini. Syoma kuti waponesegwa. Uyo tambula eco neco lomba.

<sup>207</sup> I bamwi banu bala cita mbubonya. Mbangaye bambi banu awa bali cijisi? Yaa, munene. Mbangaye kubusena okuya babulide Leza? Amu tambike maanza anu. Elyo kwaamba . . .

<sup>208</sup> Amulange. Amujane ceeći. Nse konzyi kuponya naba omwe. Ndili muntu. Ikuti na Kristo waliimvwi awa, Ta konzya kuponya naba omwe wanu. Wa kabamba mabambe, alimwi bubambe obo mula syoma kuti Wa kafwida ndinywe, inga mwaponesegwa

kuli ceeco. Eyo nje nzila ilikke. Nkuponesegwa kwa lusyomo. Lusyomo! Syoma kuti Kristo waku bbadelela muulo. Mbangaye bamvvisya ceeco lino? Yaa. Mbangaye batambula ceeco? Yaa.

<sup>209</sup> Kuciindi notu komba, amu bikke maanza anu ali umwi aumwi. Amu bikke maanza anu atala lya umwi aumwi, umwi aumwi amukombe.

<sup>210</sup> Lino inga waunka ku cuuno cako, mucizi. Leza aku longezye lino. Ko ponesegwa . . . ? . . . Iiyi. Mbo mbubo. Nciimo cakulibiliika, pele ciyo—ciyo kusiya. Koselemuka kwiinda omuya lino, kubona ikuti na eco . . . Kutalika kulimvwa bwandeene, embo na? Mwabona? Masimpe. Wa kaponesegwa, koimvvi mpoonya awa. Mula bona obo mbwa keenda kuzwa ku matantilo mpawo kakutakwe ceeco? Mwabona? Elyo lino uli kabotu. Lino inga waunka ku muunzi, koba kabotu. I Mwami aku longezye.

<sup>211</sup> Lino a maanza anu ali umwi aumwi. Mwabona, ta tujisi ciindi cinji, kutandila isikati. Elyo bali jisi mulimo wa lubbizyo, nekubabooobo.

<sup>212</sup> Masimpe, masimpe, bantu, Buumi bupati bwa Leza, Muuya Uusalala mulemu Oyo wakatondezya cakuta kakilwa kuti Mpali, kutondezya kuti Buumi obo buzwa ku Cuuno cabwami ica Leza buduntaana kuya mu mitabi, ku tondezya Buumi. Sena mula syoma obo? Mpawo, peepe, Nse kaponya umwi wa bantu aba baboola atala awa. Lusyomo lwabo lwaka cicita nkaambo ba kaambilwa cintucimwi kuti mbwini. Ikuti na wali waano, inga Ca cita cintu nciconya.

<sup>213</sup> Lino kuli ndinywe kumasena oko, Uli mukuyubununa kuli ndinywe eco ncobulide. Lino kuciindi notu komba, toonse antoomwe, kukomba, ula syoma ijwi lyoonse kuba bwini, a kulangilila eco cicitika. Uyo ponesegwa. Lino kokombela muntu. Uta likombeli omwini. Kokombela muntu oyo ngo bikkide maanza. Lekela muntu oyo aku pailile. Kukombelana umwi aumwi. I Bbaibbele lyaamba ceeci lino.

<sup>214</sup> I Bbaibbele ndilyonya eelyo lyakati, “I milimo eyo Nje cita muyo icita anywebo,” kaamba eci, “Ezi zitondezyo ziyo batobelabo basyoma. Ikuti na baka bikke maanza abo aa balwazi, bayo pon.” Lino, Leza wakapanga cisymezyo comwe, a kucibamba, ikuti na waka syangwa muli ceeco, kwiinda ku milonga ya Maanzi, Ci leta Busyu boonse bwa Buleza ibwa Leza, cisymezyo coonse, moonya mu luswaanano lwanu. Uli musamu oyo wakasyangwa kwiinda ku milonga ya Maanzi amwi. Ayo Maanzi omwe ngu Kristo, Muuya Uusalala Wakwe. Kuli kuponesegwa. Kuli lufutuko. Kuli lutangalo. Kuli kukkazikamoyo, lubombo, buuya, lukakatilo. Misyobo yoonse ya zipego zili bikkidwe moonya mu Zina eelyo lyomwe liyandisi. “Kufumbwa nco lomba Taata mu Zina Lyangu, eco Nceyo cita.”

<sup>215</sup> Lino amukombe mu Zina lya Jesu, nkambo muntu ngo bikkide maanza. Ndiyo kombela nyoonse, nkambo nyoonse

nywebo. Lekela Muuya Uusalala, oyo uliko lino, ponya muntu onse.

<sup>216</sup> Mwami, inga twa lomba kuti luse Lwako luyo zumanana a ndiswe. Umwi aumwi ula komba muli yakwe na nzila yakwe mwini. Ba kabona Muuya wa Leza muumi wakaba buyo kasimpe mbuli Mbo wakabede ku Galilaya. M bubonya buyo mbo Ca kabede cindi Petro nakasika okuya ku nkromwe ya Galilaya, nkabela Jesu waka mwaambila kuti wakali ni. Elyo cakasimpe buyo mbuli mbo kwakabede cindi Nataniyeli nakasika, alimwi Wa kamwaambila oko nkwa kabede buzuba kabutanaba. Ca kasimpe buyo mbuli mbo cakabede ku mulyango wa Samaria, na ku mukalo. Masimpe bantu inga batii, “Oyu Muuya wa Leza muumi.”

<sup>217</sup> Mwami, kopa lusyomo a busyu bwa mizeezo, a Busyu bwa Muuya Uusalala, kuti umwi aumwi, kakomba, inga wakombela umbi, mupailo wa lusyomo. Nda lomba lino, Mwami, kuli baabo bajisi maanza abo aa muntuumwi, kuti Uyo bapa lusyomo lutacinci, ndyoonya lino ku muntu oyo. Elyo, mubwini, obo buyo josegwa kuli mbabo. Oh, acibe! Mwami Leza, acibe. Inga twa baleta, omwe a omwe, atala lya cibumbili, a micelo njiyonya; pele nekubaboobo ciyo tola lusyomo, lusyomo mu mugame, ku kusyoma Leza. Elyo kuli lembedwe, “Ezi zitondezyo ziyo batobela abo basyoma. Ikuti na babikka maanza abo aa balwazi, bayo pona.”

<sup>218</sup> O Mwami, bamba cis yomezyo Cako cifumo cino, ku musyomi oonse. Elyo akube kuti Muuya Uusalala weende buyo mu mibili ya bantu aba baciswa, a kugusya kuciswa a malwazi onse. Akube kusimpikizigwa kuli boobo kwa ncico kusikila myoyo ya bantu abo iyo sotauka nkambo ka lutangalo, kusyoma kuti Leza waba bamba kuba kabotu. Akube kuti baunke kuzwa ku cikombelo eci, kabaimba a kutangala, a kusyoma kuti Leza waba ponya. Akube kuti bajoke ku buzuba bumbi, kabakkomene, kabatangala, kabapa bumboni, mbuli myaanda mboi konzya kupa bumboni sunu kuzunguluka inyika, bwa Nguzu Zyako zyakuponya. Oyu mupailo twa ambila bantu aba, ku cilomba kuba boobo, mu Zina lya Jesu Kristo Mwana wa Leza. Akube kuti Mumuni wa Leza umwaike a kuponya boonse. Ameni.

Nda konzya, Ndiyo, Nda syoma;  
 Nda konzya, Ndiyo, Nda syoma;  
 Nda konzya, Ndiyo, Nda syoma  
 Kuti Jesu ula ndiponya lino.

Sena ula cicita? Tambika janza lyako.

Nda konzya, Ndiyo, Nda syoma;  
 Nda konzya, Ndiyo, Nda syoma;  
 Nda konzya, Ndiyo, Nda syoma  
 Kuti Jesu ula ndiponya lino.

[Kabeela katakwecintu aa teepu—Mul.] . . . syoma obo.

<sup>219</sup> Nda kali kunga ndaswaya maanda aa bantu, alimwi bakali kunga bajika cisusulo cibotu. Cita kunduumpila maanzi apya mu nkamu, akundi kkazika ansi kumbali lya musinsa musyoonto wa bbaale; balo a misyobo yoonse ya zintu zibotu aa tafule. Buzuba bumwi Nda kati ku Mwami, “Nda syoma. Nda syoma.” Oh, ma! Nda keenda kuselemuka kagwagwa a cakulya cangu citaanzi mwida lyangu, nkeimba:

Nda konzya, Ndiyo, Nda syoma;

Inga casola kuboola; inga Nda citonta kujoka.

Nda konzya, Ndiyo, Nda syoma;

Nda konzya, Ndiyo, Nda syoma

Kuti Jesu ula ndiponya lino.

<sup>220</sup> Iiyi. Eyo yakali myaka ili makumi obilo ayosanwe yakainda. Wa kali kasimpe kuli ndime kuzwa eelyo. Ndili lumbide buyo kapati kuli ncico. Akube kuti cibe cintu nciconya kuli nduwe. Leza amu longezye.

<sup>221</sup> Lino bayooba a mulimo wa lubbizyo, mu maminiti buyo masyoonto, Nda syoma; inzya, nko kuti, ikuti na kuli bamwi awa beeledede kubbizigwa mu Zina lya Mwami Jesu Kristo. Ikuti na kuli bantu bali boobo, aboobo tuyu ziba naa kumwaisya nkamu ya bantu na—na kuba jata anini buyo, sa inga watambika maanza ako ikuti na muntuumwi weeledede kubbizigwa mu Zina lya Mwami Jesu? Wani, tuu, thrii, foo. Yaa. Ikuti na banakazi bayo unka ku lubazu olu *awa*, a baalumi *awa*, ku kulibambilila, ikuti na mula yanda. Kuciindi no twiimba alimwi, *Ndi...*



*KUSYANGA MUSAANSA AA BUSENA BWA KUUSYANGILA* TNG59-0920  
(Planting The Vine And Where To Plant It)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsono kuseeni, Itwi 20, 1959, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)